

## Universitätsbibliothek Paderborn

**Nicolai Bvrgvndi[i] I. C. Et Professoris Ordinari[i] Codicis  
In Academia Ingolstadiensi, Historia Belgica, Ab Anno M.  
D. LVIII.**

**Bourgogne, Nicolas de  
Ingolstadii, 1633**

Liber II.

**urn:nbn:de:bvb:12-bsb10557150-4**

NICOLAI BURGUNDI  
 HISTORIÆ  
 BELGICÆ  
 LIBER II.

**H**ACTENVS quidem adhuc pri-  
 vata odia videri poterant, sequens Anno M  
1564.  
Stilo ve-  
teri.  
 tamen furor anno M 1564 ex-  
 ordium cœpit. fatale sæculum di-  
 scordijs; quarum initia, causæque in diversa  
 parte terrarum variè struebantur. Nec dee-  
 rant yaticinatium ingenia, cum cœli aspectus  
 nihil mitius promitteret. Superiores tres pla-  
 netæ unâ cum Sole, & Mercurio in Leone cō-  
 currebant. præsaga malorum sydera, ruinam,  
 stragemque portendentia. Quippe eandē a-  
 strorum faciem ante quingentos annos exti-  
 osam populis didicerant. Sed nihil tristius à  
 Belgis exspectabatur, sedatoria sperantibus  
 extruso Granvellano: cuius fortuna invidiæ  
 cedens, liberiora factiosis scelera fecit. Quip-  
 pe vir acer, summis adornatus virtutibus, &  
 per omnia sortē nataliū egressus, insigni con-  
 stantia & auctoritate, consilio & prudentia re-  
 gionem protexerat. Nec tristis Gubernatrix;  
 sed dominationis pædagogum jam pridem  
 exosa, materiam tranquillitatis avide arripuit.

D 5

Con-

Confestim & sine mora Auriacum, Egmon-  
danumque, & Hornanum ad se accitos in-  
natum redire jubet. Qui primò hærentes spe-  
cie recusantium; postquam vero flagitarentur,  
ad pristina officia rediēre. Prima erat cura,  
nec ubi desiderium Granvellani esset: aut ab-  
sentiam ejus sentiret res publica. Proinde  
summa fide, consilioque cuncta agebantur,  
nihilque intermissa rerum cura, subinde ne-  
gotia in intempestam noctem protrahebant.  
Syncera etiam inter Statusque ac Privatum  
Concilium, & Finantias concordia; nisi quod  
liventibus oculis Vigilium, & Barlaimontium  
aspicerent, occultis tamen odijs: *Quæ perinde*  
*non extinguntur ut cœpere: sed sublato duce manu*  
*in partibus, & post certamen, metumque duram.*  
Huc accedebat facilis animus; perinde ma-  
gnificus: & ex utroque benevolentia populi.  
Nam delegatos gentium, urbiumque hospi-  
tio, & convivijs certatim inliciebant, poten-  
tiæ studio, & æmulatione magnitudinis. Haut  
ignari, Belgarum animos non alia arte faci-  
lius capi. Nec frustra fuit tam profusa hu-  
manitatis explicatio. Nam subinde à pro-  
vincialibus nova tributa; & ex magna petiti-  
one semper aliquid auferebant. Quibus re-  
bus Gubernatrici grati, sibi graves, cæteris  
luxuriæ exemplum, afflixeré mores sæculi. Et  
si fateri licet, hoc initium fuit malorum om-  
nium. Tantam enim magnificentiam, & ex-

ca

cā inopiam , cupiditas excepit. cum nemo turpe crederet , quod lucrosum quomodo- cunque auferre ; ut succurreret necessitati, quam luxus hiantem fecerat : pompæque sup- peditaret instrumenta , prodigiis sumptibus, jam non consistentibus vnde cœperant. Hæc enim est mortalium conditio , à vitijs degenerare in prava , à pravis in præcipitia , à præcipitijs in turbida , cum semel à virtute desciverint , per pa- cem temporum ; & inde luxuries. Siquidem aduersa , quam prospera feruntur melius. Res secundæ impotentiam generant : aduersæ moderationem. Philosophia opus est ad o- tium : fortitudine , & constantia ad nego- tium : temperantia , & justitia ad utrumque: sed magis in pace & otio. ex bello calami- tas; & inde humilitas : ex pace lascivia ; con- temtusque numinis ex lascivia nascitur. brevi- ter, in magna fortuna multa opus est justitia, & temperantia , ut conservetur status tran- quillitas. Ergo auctoritas Procerum, quam bonis artibus struxerant, cupiditate & avari- tia fœdata , ad ultimum erupit in exitium publicum. Primo dignitates , & sacerdotia pretio cessere. secutæ mox usuræ, abolitio- nes, indulgentiæ , privilegia , & judicia ; bre- viter , cuncta prostituta. jura & leges , divina atque humana polluta , quæstuique fuere. Ni- hil tam inexorabile , quod auri fulgor non flécteret : nihil tam flagitiosum , quod non mol-

molliret: nihil tam sanctum, quod non corrumperet. Quidquid in privato Concilio severitas expunxerat, in Concilio Status statim redimebatur. ubi non ex fide, & honesto, sed ex libidine omnia, & sine metu procedebant. ignorâ, aut incredulâ Gubernatrice, & quoquo modo acta, scrutari altius insolita. In cuius secreta quo facilius proceres penetrarent, Armenterium Hispanum sibi adjungunt, fidemque ejus per speciem familiaritatis expugnant. ut vere dicere liceat, nihil mortalibus suavius quidem; sed nihil quoque periculosius amicitia; in qua raræ felicitatis est tanti boni metam attingere, indissolubili, seculoque nexu, & non suspecto commercio. Et Armenterius quidem antea rectus, & innocens, ubi semel dulcedine munera cupiditates solvit, subito pravus, par, similisque cæteris, in concupiscenda pecunia, non modum, non terminum noverat. ut sua teget, aliena vitia dissimulabat: quorum licentiæ Proceres fiduciam insuper præferabant. Quippe muliercularum ingenia edo-  
eti, assentationum, & adulationum illebris Gubernatricis animum adeò devinxerant sibi; ut si quid Præses Viglius secreto suassisset, protinus ipsa referret ad Concilium Status: sine quo nihil agi, nihil administrari permitteret. Hinc omnia ad Proceres vergere preces, & libellos illi excipiebant,

bant, magistratus, honores, officia manda-  
bant; Nemo in gubernaculo minus quam  
Gubernatrix poterat. Neque adhuc tamen  
aliud, quam conditionis suæ statum vena-  
lem, atque insolentem fecerant. Postea id  
quoque accessit, ut magistratum officia, hoc  
est; forum & jus, legum & tribunalium mu-  
nia ad se revocarent. Iam primum apud il-  
los privatorum negotia tractabantur. Si quis  
de justitia causæ apud magistratus diffideret,  
prætextu boni publici evocabat in Concilium  
Status. Iam vocatis in controversiam Gor-  
comio, Worcomio Salinisque Burgundi-  
cis, per modicæ, & crebra damna lacera-  
bant patrimonium Regis, & judicia in quæ-  
stu habebant. Hinc fluxa magistratum au-  
toritas, priscam severitatem, & innocen-  
tiam retinentium. & quod est pernitosissi-  
mum, jacebat Provincialium Conciliorum  
pressa, atque contempta reverentia, & sub  
pedibus sacrosancta potestas. Nobilitas ve-  
luti frænis exoluta, ad omnia contumax.  
nullum in legibus auxilium; cum vi, & armis  
resisteretur hætoribus, & imperia magistra-  
tum ignava redderentur. Idque Ordines  
provinciarum egrè toleravere. & unde quaque  
querelæ in aulam confluxerat, sed delegati Or-  
dinū ingentibus onusti promissis, & sic remis-  
si domū, tamdiu in spe retenti sunt, donec im-  
petus spatio vanesceret. Accedentibus insuper  
mini-

ministrorum nequitijs, per quorum vestigiū  
quærebatur favor Procerum, & tanquam  
internuncij responsa gentibus promebant.  
Nam & hi muneribus venales, quo plura e-  
mungerent, incredibili tædio laßabant pa-  
tentiam exigentium in aula ultionem. Sic  
atrocissima quæque facinora impunè graſſa-  
bantur. crescentibus semper vitijs, dilatoſe-  
mel remedio. Domus rapinis afflīcta, ſpoli-  
ata delubra, expilata monasteria, in omnes  
audacia, denique terror urbibus intentaba-  
tur. Quæ & ipſa maximè onerabant famam  
Procerum tanquam facinus imperantium,  
qui ſontibus faciles, ad indulgentiam prompti,  
& ad omnia connivendo, cauſam ſufpicio-  
nibus dederant. Crebræ nunc querelæ, nunc  
calumnix de ſacerdotibus percipiebantur,  
alijs divitias, aliis diſſolutionem morum in-  
famii licentia traducentibus. & ſic maſteſtatem  
religionis in ministrorum ſordibus contem-  
nebant. Fuere etiam, qui cenferent adimen-  
dam gladij potefatatem huic Ordini, quem la-  
crorum integritas à profanis curis ſecreviſſet.  
Prorsus immemores, quod eorum majores  
profusa liberalitate extuliffent eccleſiam in  
tantum faſligium. Forte autem Præpositus  
Brugensis vacuam dignitatem per mortem fe-  
cerat. Neque accessione Præpofitūræ quamvis  
pridem delinata, Epifcopo ante permifſa eſt,  
quam Laicæ jurisdictionis inſignia ejurafſet.

maḡnā

magnâ cum indignatione ecclesiastici status, cuius hæc prima injuria noscitabatur. Præses Vigilius iratior fremebat, quod inutili novatione majestatem religionis proijcerent. Sed consilia ejus suspecta erant, quasi idem timeret, qui idem esse cœperat, hoc est, Præposituram Bavonianam adeptus fuerat, lato imperio, titulisque amictam.

Itaque in tanta morum vecordia, nihil facilius erat, quam hæresim perrumpere. cum languerent judicia, non lex, non metus conciliabula retineret. Inquisitorum severitas, ante arrogans, atque implacabilis, in fastidium, risumque venerat. doctis reis, spiritum quem supplicio debebant, favore, ambitu, & ad ultimum pecunia redimere. Pro quibus Auriacus, & Hornanus non raro intercedebant. innixus uterque uxorum conscientia; quas in Germania genitas, ac Lutheranis imbutas sacris, patrius ritus non deseruerat. Plerisque mirantibus, & inter arcana imperij numerantibus, ne matrimonijs aliarum gentium, aut rituum, purpurati miscerentur. Quia in re quoque ab initio adversarium Auriacus Granvellanum habuerat: nempe vaticinantem, quod aliquando potentia affinium, ad impotentiam abuteretur. Henricus Brederodius, & Florentius Pallantius Culenburgi comes subinde etiam damnatis aderant; & si possent, supplicio eximebant. audaces & turbulenti

bulenti homines. ac tunc quidem uxorum au-  
spicijs ad alios ritus transgressi, metuebant le-  
gum vindictam. Nam quantum in se licet,  
multorum exitus, paupertas, exilia ostende-  
rant. Hinc sermo, & initium cœpit de mi-  
gandis legibus. Quæ res exinde perpetuis con-  
tentionibus agitata fuit: donec religione, &  
reipublicæ, nec minus diverso tempore, suis  
quoque auctoribus exitium attulerit. Non  
deceant qui aperte jam dicent, haut aliud si-  
pere esse remedium in corrupto, & ad discordi-  
as vergente populo; quam si contagio molli-  
us haberetur, & latus usus pervicaciam fa-  
geret, quam ignis, ferrumque debellare non  
poterat. Sine dubio malitia creverat. ita tam  
ut nō & multi supplicijs absumeretur, ac ma-  
xime quorum promptitudo flagitijs misericor-  
diam excesserat. At hi contumaces adversus  
tormenta, nulliusque sceleris extra novitatem  
comperti, tanquam innocentes perire vide-  
bantur. unde miseratione in vulgum, quasi non  
utilitate publica; sed in saevitiam legum ultri-  
cibus flammis sanguinem profunderent. Ant-  
verpiæ vero, & tumultus exortus est. levis, &  
modicus; qui tamen intra minas non confi-  
steret. Christofferum Smetium ex Carmelita-  
rum ordine ad sectariorum ministeria tran-  
gressum, leges ad ignem protraxerant. Fanati-  
ca multitudo ad spectaculum collecta, primo  
ut in turba, licentius fremere; psalmis & blas-  
phe-

phemiis insultare, ferociusque agere. Iamque quod in ejusmodi audacia ultimum esse solet, faxis, fustibusque erumpens, præsenti, metu mortis lictorem exterruit. Ac ille reum rerum capitalium transegit ferro; fugaque se furentibus eripuit. Sed ne tunc vesania stetit, postquam desisset esse pro quo certaret. irruptione in curiam facta, ultiōnem quam à lictore non poterat, à judice exegit. Magistratus fropellitur. armati per urbem vagabantur. & egentissimus quisque ex plebe circumspectare direptionis initium. sceleratum prorsus spectaculum. clausæ toto biduo officinæ, formam captæ urbis faciebant. Neque hæc seditio Proceribus displicuit. Leges in fastidium venerant. quas, ut magis invisas populo redderent; Hispanicæ Inquisitionis cognomentum indiderant. Nec minus interim de temperamento frequens inter se consilium habebant. & jam Gubernatricis animum explorare cœperant. Sed privata curia ex adverso nitebatur. hactenus sana, constans, innocentia, & sanctitate morum eximia. Hujus auctoritas in leges plurimum valebat. & proinde hac incolumi sperare Proceres mutationem non poterant. Ludovicus Nassauvius suaserat Auriaco fratri, ut homines aliquot suæ factionis Privatae infereret curiæ, & adversariorum vires accideret. Et eundem Naslovium in Belgio versatum ad concitan-

E das

das discordias, post ipsas discordias demum sensimus. fax, & turbo sui saeculi. sine larc., sine bonis, sine familia, omnem spem, fortunam, consilium in turbidis habebat. Stellariorum partes in Gallia amplexus, bonorum suspicionem in Belgio non evasit: tanquam & hic seditionis semina fereret, ut semper eslet, si bellum condicionibus in Gallia poneretur, ubi inter armatos vivere posset.

Eodem tempore Georgius Cassander, & Franciscus Balduinus, magna studiorum fama celebrabantur. Et Cassandrum quidem Hornanus, Ludovicus Nassovius Balduinum in arbitros religionis obtulerant. simul utrumq; excivere sedibus sed Cassandrum umbratica vanitas, & rudes aulæ mores, statim unde venerat in Germaniam rejecere. Balduinus natione Atrebates, in adolescentia heresis criminis postulatus, & post fugam proscriptus, ad Calvinum decurrit. Eodem usus doctore, quem auctorem novitatis habuerat, cui se celeriter liberalitate ingenii insinuavit. Erat enim formæ veneratione, & eloquentia insignis. sed Sanctorum Patrum lectione crebro otium insumens, & exinde magistro suo discors, reconciliatus est Romanæ ecclesie. Vnde se Iurisprudentiæ studio totum applicuit, liberalium artium mansuetudinem, & consortia admiscens. Vtique ge-

nere

nere disciplinæ ad famam proiectus, Heidelbergæ profiteri cœpit. & ibi Ludovico Nas-  
sovio imprimis innotuit. Post illustribus  
Galliaæ familijs, eruditionis, geniique benefi-  
cio immersus; ut in Belgum venit, magnam  
sui exspectationem omnibus fecit. solerſ  
animo, obsequendi gratiā, & civili congres-  
ſu, nec minus officij comitate, ad ingenia  
principum vitam instruxerat. Nec enim  
novorum hominum deliramenta sectaba-  
tur, & rursus in religione scrupulum oderat.  
Humaniusque credebat, iniuitati tempo-  
rum cedere, pietatisque integritatem in pau-  
cis violare, quam vim adferre turbatis consci-  
entij, quas in contaminatis hominibus nulla  
unquam supplicia eluunt. Itaque Auriacus ad  
se accitum promissis onerat. & ad professionē  
publicam in Lovaniensi, vel Duacensi Acade-  
mâ destinat. Mox futurum spondens, ut favo-  
re proprij nominis, suoque, & magnatum suf-  
fragio accerseretur in Privatum Concilium.  
Rebus sic compositis tanquam brevi reditu-  
rum à se dimittens muneribus honoravit. in  
spem adductus, religionis arbitria suscipi pos-  
se, si vir tantus cum Viglio, Masioque, & Ho-  
pero equatâ dignitate componeretur. Nam &  
Barlaimontium per Gasparum Scetum sollici-  
tabat in societatem consilij; peculiaria quoque  
in ipsū officia sua repromittens, si adversus Hi-  
spanice Inquisitionis tristitia unā consurgeret.

E 2

Quippe

Quippe repulso Granvellano hunc jam titulum factionibus prætexuerant. Ceterum Barlaimontius vir sanctus, & innocens, virtute, & prudentia eximus, Granvellani partibus se junxerat. Ejus abscessu discordis, odioque relictus, fidem & constantiam nullam tempestate libatas ad ultimum Regi servit. Ex alia parte Balduinus tempestiva penitentia consilium suum damnavit. stultus ratus, pro securis, & præsentibus, incerta præcipitia eligere. & ut quisque ei amicus, & redditum dissuadebat; dedecus, atque discrimen ostentans, si non resloveret leges, quarum contumaciam duraret Rex Philippus. Non omisit Ludovicus Naslovius ceteris eum nuntiis admonere promissi, & imminentium honorum blanditiis allicere: sed ille in Gallia Borboneis, Guiseisque juxta acceptus, & inde majora sibi præmia spondens; laborabat inter dissidentes finire discordiam, gravem paci, graviorem dominabitibus, in quorum perniciem haut dubie eruperat. Ergo Auriacus spe sua frustratus, consilium mutavit. faciliusque quæ vellet perfici posse credens, si nullis curiarum frangretineretur; Privatum Concilium cum Financiis expungere statuit, & ad suam curiam utriusque munia transferre. Parva res est prima specie: sed sub titulo minus atrocis publicæ vires, petebantur. Proinde ut ad eadem

eadem volenda Proceres impelleret, crebris sermonibus incesiebat; *Consiliary titulum penes se, penes alios vim & potestatem esse.* interim si accideret tristius aliquid, si flagitaret multorum annorum stipendia seditionis miles, si hereticorum tumultus ingrueret, reddendam sibi rationem; qui non legibus, non ærario præfessent: sed in hoc duntaxat haberentur, ut speciosa dignitatis umbrâ, nova semper tributa extorquerent à populo. Pares nempe se toti reipublicæ. cureque sufficere, quæ frustra in plures spargeretur. Revocanda esse Privatae curiae, Finantiarumque officia ad Concilium Status, ut unius reipublicæ una tantum esset veluti anima, concorsque sententia. Multis æqua sentire videbatur, quò hæc pertinenterent non satis adhuc animadvententibus. Concilii formam concepit, ut duodecim primorum gentium equites in Senatum sublegerentur; judicia Mechliniam rejicerent; gratiam, abolitiones, & ejusmodi, Præsidium cum assessoribus permitterent; Ærarium ipsi regerent; minores curas delegatis committerent. Sed hæc consilia etiam suis auctoribus ardua videbantur. Nec enim suppetebat, quo pacto persuaderent Regi, inter tot obrectatores, qui potentiam Procerum antè exosam, timere inciperent. Itaque diu secum expendentes, centuriones clam subornant, qui exposcerent in aulâ stipendum obæratis militibus; & si differentur seditione

E 3

nem

nem in promptu affererent. Fortè & libelli curiæ oblati, torpedinem justitiæ, & inde dis- crimen, in vasta hæreticorum frequentia que- rebantur. Ergo in tot malorum remedium, Gubernatrix contraxit Proceres in Concilium. Omnes uno ore dixere suffragium? Legatus in Hispaniam decernetur, qui indica- ret hæc Regi, & levamentum peteret. Ignatius adhuc Viglius quid Proceres machinaren- tur, & melioribus consiliis dirigens fata re- publicæ, loco sententiæ dicebat: *Sectarios lati- corripuisse provincias; sed non esse desperatum re- medium, neque auctoritatem imperij omnino pro- jectam.* Projectò si florarent in republica leges, pro modo flagity magistratus animadverterent, minori negotio debacchantium illam colluviem tolli posse, quam surrexerit. nunc vero nullum in ma- gistratibus præsidium; & hinc scelerai impunè gra- sari, & ab uno ad aliud, sine retinaculo transitum facere. sua tantum quisque impleret officia, at- que uterentur remedio à majoribus reperto; han- dubiè supplantaturos partem illam vulgi, & modi- cam respectu cæterorum, & plane timidam. Non unius quidem anni negotium esse, nec tot flagitia si- mul posse erui: quemadmodum nec uno gradu istos homines innocentia destituit. tempore opus esse. Vi- tia publica, ut sensim adulta, ita & sensim corri- genda. ab unitate auspicandum; ut ad summan- venias. neminem inde cœpisse, quo incredibile est pervenisse. esse in procinctu Tridentinum Con- cilium;

libelli  
de dif.  
a que-  
dium  
Conc-  
n: Le-  
ndica-  
Igna-  
naren-  
ta re-  
os late-  
um re-  
o pro-  
eges;  
terent,  
m tolli  
n ma-  
e gradi-  
nstrum  
; at-  
; han-  
modi-  
Non  
itias-  
u iftos  
e.V.  
corri-  
man-  
le ej-  
onca-  
lium:

lum: ne afflicti sacerdotum mores desiderium suum deterrent. Addebat deinde. Hanc ali- undè proteri ministros justitiae, quām quòd plerique Satrapæ insolentiores, omnem reverentiam, & obsequium erga magistratus exuerent. Unde in ceteros impunitatis spes, liberiusque vitia gli- scere quæ primorum exemplo aluntur. Languen- tem justitiae manum ad nervos revocare in expedito esse volentibus, nec ob id accersenda procul regis consilia. si provinciarum rectores præsidium militare lictoribus succenturiarent; si abolitiones, si indulgentiae, hac tenus promiscuae, intrà mon- dum legesque coercentur, mox reddituram ma- gistratibus reverentiam suam. Exhausti ærarij nul- lam in ministris culpam. Bello Gallico Regis opes attritas, aliter recreari non posse, quām si vel Hispaniæ, vel provinciæ novis tributis subvene- rint. quæ autem hic extorqueat nemo, nisi sub oculis principis, cuius etiam maturam præsentiam tot simul reipublicæ vulnera implorarent. Nesci- re ergo se quòd pertineret destinare legatos in His- paniam, quasi vero hæc hodie nova essent, & non pridem audita Regi. Si tamen decernere per- severarent, non adversari se quidem, si in hoc fie- ret, uti Rex Philippus acceleraret redditum in pro- vincias. Sedit ergo sententia quæ legatum mitteret. Omnia consensu Egmondanus assumptus est. Erat enim propter milita- rem gloriam Regi acceptus: adhæc insigni corporis habitu, cuius apud principes fe-

E 4      rē exi-

re eximia est veneratio. Mandata quæ per-  
ferrentur in codicillos Viglius redegit, po-  
stero die in curiâ recitavit. Pauca omni-  
no' erant. Sectariorum multitudinem, iuli-  
tia contemptum, & ærarij inopiam quere-  
batur magis, quam exprimebat. Denique  
orandum Regem, ut occursum tot malis fe-  
stinaret in provincias. Plerisque probantibus  
quod facundiæ legati plura reservarentur,  
Auriacus ad occasionem intentus, meditato  
imperu in hæc verba detonuit. *Quid adhuc*  
*disimulare convenit? sine ambage nuntiandum*  
*est Regi, hoc in statu salvam stare non possemus.*  
*publicam. Multitudo ex magna parte à religio-*  
*ne majorum defecit, nec pares sunt magistratu-*  
*tanto incendio. proprio vitio provincie laborant,*  
*propter sacerdotum mores sordibus maculatos,*  
*frustra contagio arcitur, cuius causa in visceribus*  
*alitur. Quid editorum severitas hactenus profecta,*  
*nisi ut atrocior succederet Inquisitio? neque hac ipsa*  
*coercendis flagitiis satis valida, mitioribus reme-*  
*dijs eluenda sunt haemacula. Ostentatatorments*  
*ingenia exasperant, ex unius cineribus mille re-*  
*nascentur, male id cogitur ad quod persicadenda*  
*pervenire oportet. acrius stimulat qui consciencij*  
*vim adfert. Et intempestiva sunt remedia quibus*  
*delicta magis accendimus, imitandi sunt perin-*  
*medici, qui interdum plus quiete, quam movendi*  
*proficiunt. honestè cedit, qui tempori cedet,*  
*hoc est, necessitatem aestimat. Nemo mihi priorum*  
*sæculo-*

seculorum innocentiam objiciat. Idem genius ho-  
dierna ingenia non conjungit. Neque olim pœnarum  
metus, sed sui mores quemque continuere. Ne  
irritamenta quidem eadem sectis nascientibus;  
cum adhuc intra paucorum, viliumque conscienciam  
concluderentur. totæ hodiè regiones huic  
disciplinae accedunt. ut mirum adeo videri non de-  
beat, si plerisque Belgis impetus iste novitatis impo-  
suerit. qui ut frangatur, relinquendus est sibi, in  
pingui, inertique licentia, ne ad insaniora adi-  
gatur necessitate. Vidimus quantum turbæ Va-  
lencenis, Tornaci, & Antverpiæ accenderit. quid  
futurum si plures simul urbes reverentiam exuant?  
Incertum est remedium quod pollicetur nobis Tri-  
dentinum Concilium. & ut vanum esse credamus,  
Germani non recipiunt. Exemplo eorum mitius  
vivendum est cum sectariis; quos ne catholici illic  
principes cruciatibus asperant. si crederem ad con-  
scientias hominum valere supplicium, si aderem  
exquisitiorem quamque crudelitatem. sed cum per  
tot annos igne, ferroque nihil profectum videam;  
utilius judico detrahere aliquid horrori legum, qua  
palam facere impares eas esse flagitijs. Prisorum  
temporum sectas gladius non delevit. eruditione,  
& eloquentia, viræque exemplo revocati sunt  
errones illi ad ecclesiam. His armis hominum ani-  
mis vim inferimus. religio imperium despicit.  
nemo cogi potest, ut credat invitus. Et haec solidio-  
ra pacis sunt consilia; quæ tamen Privatae Curiae  
senatores non recipiunt. malunt omnia flagrare  
incendio,

E 5

incendio, ut in turbidis undis largius pescantur. Vnde enim justitiae ista corruptela, nisi ab ingentibus illorum vitiis, insatiabili aviditate cuncta profunduentium? Non superarent tot divitiae isti hominibus è scholastico squalore in Concilium accitis, si muneribus nihil concederent. Scimus quo condicuntur sint stipendio, nec illud par esse, quod luxum, & pompam, & tam infames sumptus toleret. Vnam tam modestè peccarent ut negari flagitia possent. Nunc si populo credimus, non aliter rectum quam auro tentantur. nec quidquam tam sancte indulgent, ut non accipient. sed ut promiscue omnes avaritiae non insimulem: accusare certam invidiam, similitates possum, & privati odii stimulos, quibus adversandi libidine invicem se laetantur. & miserorum calamitatibus injuria sue latitant. Quis probet intempestivam Cancellary Brabantia jurgandi licentiam, & exerceri solitas cum Massio contentiones? dicerem erupturas in publicam perniciem, nisi quis crederet à me malignum prolatas, ad conflandam invidiam. Interim scimus quam turbida sint consilia eorum, quibus affectus officit. Non est igitur quod in discrimen vocent innocentiam Procerum, quasi scilicet Gubernatores, ad infamis cuiusque licitoris libidinem centurias militum subministrare debeant. Ponant illi senatores modum animo suo. ne tam prouisi ad indulgentias, quas cum à nobis non impetraverint rei, in ista curia statim redimunt. Hoc est quod rempublicam funditus trahit. Nemo adremitenda

mittenda scelera facilis esse potest, quin semper aliquid adjiciat malo publico. Nunquam mihi placuit, in tot Concilia curas imperij, & arcana distrahi. Sufficit omnibus Concilium Status. & hoc ipsum Proceres non raro inter se secreto missitabant: ideoque nunc repeto, ut omnes intelligant, haud aliter tot malorum finem haberi posse, quam si Privatae curiae, & Finantiarum officia, in Proceres transferat Rex Philippus: Conciliumque unum, veluti unum corpus, ex omnibus faciat. Postulandum hoc est ab eo disertis verbis, nullum alioqui fructum legatio habitura est. Tum conceptam à se formulam de promens, in intempestam noctem sermonem protraxit. Lassa Gubernatrix & attonita ad cœnam discessit, atque in posterum diem Concilium distulit. Ad hanc orationem Viglius diriguit. In se potissimum jaculatam viderat, & fundamēta imperii quat senserat. Ergo anxius animo, secreta æstimatione volvebat, quid postridiè respōsurus esset calumniis. Inter curam & meditationes insomnem noctem protraxit. Surgentē die habitum corporis componens, rotantibus oculis linqui animo cœpit. nervisque in stuporem actis, totum corpus sensus destituit. Exspiranti similem minister invenit. cùm nec satis compotem mentis amici renunciarent, in ejus locum ad Concilium Status Ioachimus Hoperus accitus fuit. Vir antiquus, & gravis, sanctitate morum, & eloquen-

eloquentia excellens. Quædam de abroganda Inquisitione, derogandisque legibus, & confusione Curiarum mandatis adjecit; non tam volente Gubernatrice, quam non probante. Post Calend. Ianu, digredientem Egmondanum Viglius oravit, ut vacationem libi à Rege peteret. Ægritudinem animi in contemplatione doloris detenti, & fatigatum laboribus corpus prætendens: re vera apud amicos privatae vitæ desiderium testabatur. Pervenisse sed ad extremum fastigium. decidere posse, progredi vero non posse. tempus esse subducere et vicem iugo tritam, & eripere se fortune fastidio. Raro potentiam diuturnam nec eodem statu formam consistere; quæ post satietatem, ferè deservit eos, quos propiore amicitie gradu Principibus admovit. Posse reliquum etatis sapientiae concedit quod in republica per indignationem, & discordia transmittendum sibi foret proceribus inviso; non aliqua sua culpa: sed quia flagitorum impatiens suaderet optima. Prospectare imminentes seditiones, per nimium magnatum inseclus consensum; per laceratam superstitionibus regionem, legibusque parere nestram, & in benignius aliquid astrum adfusserit, undaturam brevi civili sanguine. & ha omnia privata vitæ vitare.

Interea Egmondanum in Hispania magno honore, donisque Rex coluit. Ea tamen quæ in Belgio agitarentur tristior accepit.

Quem cum Alexandro Farnesio Gubernatricis

natricis filio à se dimittens, preferenda man-  
data dedit in hanc sententiam. *Gratiissimis au-*  
*nibus legationem excepti. ex his quæ deferebantur*  
*cognosco sollicitudinem tuam. salutem publicam*  
*fidei tuae diligenter commendo. Propter impenden-*  
*tem Turcicorum armorum necessitatem artius in*  
*Hispania detineor. nec referre pedem inde pos-*  
*sum, nisi ut fugitivo similis videar, ac desperare de*  
*successu victoriae. ut proximo anno veniam, sum-*  
*ma ope nitemur. Destino interim ad te ingentem*  
*vim pecunie, ut nominibus meis & alienum exol-*  
*vas. De remedio justitiae vos videritis, & inte-*  
*grum ad me negotium referre. Ceterum religionis*  
*causam perfuntoriam non existimo. multa simul*  
*in contemplationem veniunt. quæ hoc amplius cu-*  
*ram intendunt meam, quo propiori vinculo obstri-*  
*cti sunt fastigia, ceteris in rebus in eo stant consilia*  
*mea ut eligere possim. hujus longè alia est condi-*  
*cio. Rex per leges esse non possum, nisi & catholi-*  
*cus; nec proinde alius quam catholicis imperare. E-*  
*quidem spiritu nihil carius habeo ejus tamē naufra-*  
*gium longè vilius religione duco. Imò potius millies*  
*moriar ( si per naturam liceat ) quam ut in hac re*  
*mutationem admittam. Itaque tres episcopos, cum*  
*Theologis, ac consiliariis aliquot vocabis in concilium*  
*memeto viros eligas, fama conspicuos, nec de-*  
*teriores ingenii. Inter eos unum tibi Rythovium*  
*principio de ceteris ipsa melius despicies. Quo pacto*  
*optima principi possint constituere eos jubeo. ne ple-*  
*bia ingenia inopia doctrinae, post hac trahantur in*  
*errores*

MIO LXV.  
Sty' o ve-  
teri.

errores animi. contaminati verò sanitatem debeant melioribus disciplinis. Deinde quis ordo servandus in scholis; quā ratione juventus formanda quā optimis studiis. Multi enim institutionis vitio de- generant à sensu majorum, & falsas sibi persuasi- nes induunt. Discutient denique an pristina legum pœnæ mitigari debeant. Nam ut relictum sibi sit- lus, sine metu licentiam exerceat, mihi non est am- mus. Pœnam aliquam sanciri volo: & quidem va- lidam, ad frenandum istorum hominum amentiam. Nam ut inulti, & securi degant, nec condicior pu- blicæ tranquillitatis, nec divini cultus ministerium postulat. Quamvis interim ostentata supplicia me mihi satis videantur conducere rationibus tempo- rum, quia damnatos audio latantium more canen- tes, atque invicem se adhortantes, ultimam ne- cessitatem excipere. Hæc ergo summa agentur diligentiā, prout magnitudo rerum postulat. ut si nos in- tentos viderint boni, resumant animum: malive- despondeant. integra tamen omnia mihi serva.

*Proceres,  
episcopi &  
consiliarij  
conveni-  
unt.*

Hæc relationis summa erat. quam III. Non. Maii Gubernatrici exhibuit. pronum- que Regis in Proceres affectum, sincerum- que gaudium testabatur quod eā legatione perceperat. Dein agitatum quos ad exequendam Regis voluntatem adhiberent in concilium. Ex episcopis supra Rythovium, in Na- murensem & Audomarensem consensum est. His adjuncti Iacobus Martins Flandria, Hippolitus Persin, Ultrajectensium praefides,

Antonius

Antonius Meulenare consiliarius Mechliniensis, Iodocus Tiletanus Theologiæ, Wilmarus Bernarts Canonum, Professores. Viri eruditio illius temporis exculti, ac divini humanique juris scientia præter cæteros insignes. IV. Cal. Iun. in aulam convenere. sed ne rei quæ agitaretur suspicionem populo facerent, quæsus est color. Concilium Tridentinum retractaturi fingeantur. Primâ die facilis & expedita deliberatio. Quærebatur de rectâ institutione fidei ; de executiendis sacerdotum ingeniis, non irritata vetustate ad ignaviam prolapsis. sed in eam partem Concilium Tridentinum abunde prospexerat. saluberrima ecclesiæ reperta, Christianisque principibus ferè placita, siue scelere verti non posse. dandam operam ut in mores venirent. Et in hanc sententiam facta est discessio. Sequens cognitio longâ contentionē, variisque orationibus agitata fuit. Episcopi contumaciter intercedebant pro legibus, quarum utilitatem prioris temporis innocentia sanxerat. Proceres è diverso, quondam placuisse dicebant aciora remedia, temporibus sic postulantibus, alia etatem, alios mores requirere. ut annorum vices, ita & vitiorum esse. Veteres seculi sui innocentiam se presentis ævigenium intelligere. in republicâ idem semper spectare oportere; non idem semper convenire. legum oportunitates non uno statu

statu consistere. mutari solere pro temporum moribus, atque utilitatum præsentium rationibus inservire. Non esse laudatam in una sententia perpetuam permanzionem. Nautas aliquando non ad ter, quam flectendo in portum pervenire. homines non possunt, flecti debere leges, quas mortales, & temporibus aptas prudentia condidisset. Eas quidem salubres olim, satisque validas fuisse ut pernitiosa excluderent. vitijs usque adeo ferventibus; cum malorum initia adhuc in potestate forent: nunc tamen impares esse ad extirpandum virus quod tot simul gentes corripuit. adeo facilius excludi vicia, quam ejici. Sic diffidum est negotium. Auriacus vero postridie iulii Gubernatricis præsentis temporis calamitatem exposuit. Nec immerito, inquit, commover nomine reipublicæ; quam circum, intraque sectarij lace sunt, & penetralia ejus crebris quantiunt motibus. Remedia ista languentis ævi modis excedunt. nisi spote in Labyrinthum currere placeat. unde sera nos pœnitentia sine pudore, & damno non eripiatur. si nescitis, atrocissime religionis sunt dissidia. In Gallis præsens habemus exemplum. nam in se acris, quam in nos olim incurserunt. tam vastum regnum ita seditione distractum est, si videatur aliter componi non posse, quam alterius partis exitio. Quid si sectarij nostri, quod suis mequeunt consequi viribus, excidio patriæ querant, amulasque gentes specie auxilijs accersant. laceratum discordis imperium? acerrimus mor-  
sus es  
ta po  
Nam  
erun  
temp  
illar  
porr  
supp  
ride  
par  
mer  
lum  
mu  
ne l  
run  
co  
me  
cill  
esse  
lat  
cup  
in  
jia  
bl  
ct  
po  
pr  
n  
si

sus est irritatæ necessitatis. Neque ignoro adferri multa posse , quæ à derogandis legibus nos absterreant. Nam nec ipse leges temerè vertendas judico ; si pares erunt flagitiis ; si condicio sæculi inutiles non fecit ; si tempora aliud non desiderent. Nunc etiam horrorem illarum judices aversantur, & ad rigorem calculos non porrigitur. Et quid obsecro profectum tam exquisitis suppiciis ? Carcerem , laqueos , cruciatus homines isti ridendo excipiunt. adversus terribiles flammarum apparatus rectos oculos tenent. nemo tot vexatus tormentis pœnitentia vestigia exhibuit. Et si verum volumus , cottidianis spectaculis animatur constantia. unus exitium , plurium est illecebra. Adhuc verendum ne lacebita patientia exeat in furorem , & ad armorum necessitatem desperatio traducatur.

Hæc & similia Auriacus. Sed episcopi in contrarium arguebant : Sectarios nullâ flecti clementiâ. patientiam nostram contemptim pro imbecillitate accipere. Diversum cæteris mortalibus illud esse genus hominum. reliqua scelerâ intra conscientiam latere. hoc unum non ante quiescere, quâm regnum occupaverit. ferro opus ut exscindatur tabes , priusquam in plures serpat. nundum eo gradu consistere, unde dejici non possit. sed ne quid damni coercitio in rempublicam infundat , pœnarum gradus statui posse. Doctoribus , Ministris , relapsis , contumacibus ultima ponantur suppicia. pœnitentiâ flexi , exutis bonis provinciâ cedant. verberibus & exilio plectatur nequitia , que non ex alto processit ; sed animorum simplicitatem occupauit. In omni denique animadver-

*Episcopi  
certant*

*pro legi-  
bus.*

sione dignitatis, sexus, etatis rationem judices habant. Si publicum exemplum non permiserit iracundia temporis, integrum eis sit repetitis calculis condemnatos et triremes abjecere. Hac secreto mandari judicibus posse, ut ipsi cognoscant neque gracie aliquid concedi, neque inexorabiles poenas constitui. Cum fervescent studia partium, his pro legibus, illis contra contumaciter nitentibus, jussi sunt episcopi in codicillos referre sententiam suam. Proceres autem ut subscriberent persuaderi non poterant. Rogati verò torpedini justitiare medium quærerent, variis dilationibus relationem frustrati, spatio tandem languescere passi sunt: ut ferè in republicâ solent fastidita negotia. Odio præsentium, & ne sine causâ mutationem legum postulasse crederentur, turbari cuncta malebant. Et nunquam postea de justitiâ quæsitum.

Inter quæ superveniunt à rege epistola Concilii Tridentini publicationem mandantes, cum paucorum Anabaptistarum supplicio; quorum exitium non ausa Gubernatrix, ad Philippum detulerat. Tunc demùm recruduit ira Procerum. Aususque est Auratus Egmondanum insimulare, blanditiis captum, nihil præter inanem promissorum pompam ex Hispania retulisse. Et ille non obscurè arguebat inconstantiam Philippi Regis, nec verbis ejus fidem constare. Sed Gubernatrix cuncta in mollius flectebat, &

ad ro-

ad roganda Concilii Tridentini decretā co-  
gebat Proceres in curiam.

Tridentum in Venetiarum finibus, inter  
montium amplexus, modicā planitie ad At-  
hesim accumbit. Tristis scopulis, & horrida  
regio, immittib[us]que damnata frigoribus, sed  
*Conciliū  
Tridentī  
num pro-  
mulgari  
jubetur.*  
ancēna ædificiis civitas, Italicis Sicariis quasi  
ad asylum seponitur. In hac œcumenicum  
Concilium magnā frequentiā celebratum,  
ex loci vocabulo nomen accepit. Nam cūm  
Martinus Lutherus sacerdotum odio ferox,  
laceſſeret paſſim tranquillitatem ecclesiæ: Ca-  
rolus Cæſar in hoc totus incubuit, ut diſſi-  
dentes Germanias generali aliquo Concilio  
revocaret ad pacem. Leonem tamen, & A-  
drianum, & Clementem Pontifices nequic-  
quam ſollicitavit. Cæterūm graveſcentibus  
indies malis, deſideratas diu curas Paulus  
Tertius ſalutaribus auſpiciis aggrefſus eſt. ac  
primū Mantuæ, deinde Vicentiæ, ad extre-  
mum Tridenti conuentum indixit. Huic  
rei non alia civitas magis idonea, inter Ger-  
manos, Italosque media, ab Hispanis, Gal-  
lisque haut procul ſe jungitur. Sed cum  
nunc commiſſi inter ſe bello principes Chri-  
ſtiani, nunc aliæ, atque aliæ cauſæ, & ſuſpicio-  
nes, tam ſanctum negotium interrumperent:  
Pius Quartus vii. Cal. Febr. Miſſiō LXXXIII. fi-  
nem imposuit, ejusque publicationem Chri-  
ſtianis Principibus paſſim cōmendavit. Trans-

missum ergo in Belgium à Philippo Rege, Proceribus examinā dum traditur. Nec eare minori acta est certamine. Duæ sententiae natum distrahebant. altera suadebat rogationem, quæ ubi mandaretur à Rege sine sceleri differri non posset. altera patriarchalium legum reverentiam opponebat. Quo enim animo latrūtum populum, instituta majorum, & privilegia inaudito sibi eripi? scribendum ante ad episcopos; scribendum ad provinciarū rectores, ut iis saltem consentientibus nova illa decreta ferantur. Et hoc ultimum Gubernatio non displicuit. statimque misit per provincias. Responsum est ab episcopis, ceterisque Tridentinum Concilium publicari ita posse ut regalibus, privilegiis, jurisdictionibus, indultis, nominationibus, visitationibus, patronis, pauperumque & ecclesiæ bonis non de roget. Hinc inter Proceres magna opinionum circa ipsam promulgationem differentia, ali sub formula; alii sine exceptione faciendam suadebant. Digna res visa de qua consuletur Rex Philippus. Et ille quidem promulgationem sine exceptione mandavit; cetero curaturum affirmans. Itaque Gubernatio xi. Cal. Iul. uno exemplo scripsit ad archiepiscopos in hanc sententiam. Publicationem Concilii Tridentini Rex in se suscepit. Idem mihi injecxit, ut in Belgio quamprimum perficerem. A voi peto ne tam salutare differatis negotium. Si man

militar

militari est opus, exigite à rectoribus provinciarum, nisi eligatis à me accipere. sed ne quis privilegiorum, aut constitutorum, vel alio aliquo praetextu excusationem obtendat: voluntas Regis est, sua cuique jura interim salva, atque inviolata relinquere. Primus omnium archiepiscopus Cameracensis, nec sine contentione vulgavit. Eandem enim regionem necdum contagio latè infederat. Post multum deinceps temporis Mechliniensis ægrius obtinuit. Ultrajectino pertinacius contradictem. Canonici insolitam severitatem aspernabantur. spernendi morum, & licentia assueti, cum archiepiscopo crebrò intendebant certamen, cuius frugalitatem pro vitiis oderant. Frisiorum civitates misere legatos in curiam. Opponentibus majorum mores, & constituta, responsum fuit, nihil adferri cur morarentur desiderium Regis, quod cæteræ provinciæ tam promptè absolverant. Nec eisdem nunc scrupulos sibi primùm moveri. plures provincias idem agitasse: sed manere iura sua cunctis integra, quoad disquisierit Rex, quid de his fieri placeat. Non movebant hæc Frisios, obstinatos adversus imperium. multisque contradictionibus auctoritatem Gubernatricis destructam, sequens motus languentem extinxit.

Cæterum Rex Philippus, episcoporum, & theologorum, aliorumque sententiam pri-  
dem acceperat. diuque pensatis omnibus, &

F 3              *habito*

habito saepius consilio, tandem in hunc modum rescripsit Gubernatrici. In quo rerum articulo conflictetur religio, ex te accepi. vim legummittere non convenit. Quis ignorat quin facturus sum pessimo publico, si crescentibus sceleribus poenas detraheremus? Horum ultione nihil cordi magis habeo. si judices admoneas officii, fidei committo tue. sine publico exitio segnes esse non possunt. Et certe qui tam mali causam proprius queret, illorum ignoravia merito imputet. Nimirum mansueti in fontes fuere. quod illi misericordiam, ego crudelitatem esse censeo. Proinde si qui tibi post hac meticolosi videbuntur, licet ad me seribas. ego vero animosiores substituam. Non durant in tam vasta regione, qui officium colant, numerumque cultum vindicent. Inquisitionem supervacuam non duco. tolli non potest, nisi ut divina simul & humana jura violentur. Neque ego jam nova iniocio. Cæsarea maiestas questionem eam induxit. ut ergo provisori olim remediis. Cui enim non constat, longè tristiora expectanda esse, si securum iter relinquimus flagitiis? occupandi sunt heretici, priusquam ad illis occupemur. Quantò intentius nos agemus, tanto illis animus futurus est infirmior. Supplici acerbitas bene vivendi disciplina est. Primo statim tempore, viato Anabaptistas in vinculis habitos ultimo traditi suppicio. jamdiu extinctos esse oportuit. Nec Egmondano cum ad me venit fidem dedi, interim eos meas nonnoxam habitur um: Referenti quippe sectarios magna gaudio tormenta excipere; videret igitur, respondi, an publicè non conduceret, secretò sotibus eripere spiri-

cum.

tum. De cætero quod ad eam rem attinet, episcoporum judicium sequor. Recte illi censem insanabilem esse misericordia hæretorum animos. ita altè contumaciam perbibere, ut nisi cum anima superstitionem exuant. Fortius itaque inurendum est aliquid. solida maliitia, solida remedia postulat. In communi periculo optimum misericordiae genus est, occidere. Si exempla non admittimus, qui consuli poterit ne peccetur? Inquisidores præter me intueri neminem volo. Lacestant scelus securi. satis est mihi, si scandalum declinaverint. Ego ira populi me offeram; locumque inveniam desperata & victoriae. Codicillos episcoporum una remisit, adjectis ad marginem notis; ut magis eluceret, quæ culpanda, quæ probanda credidisset. De curiarum confusione mentionem non fecit. Ducem tamen Arschotanum extulit in concilium Status. tenacem religionis, & emulatione familiæ Nassoviis pridem infestum noverat; & si pristina recrudescerent odio, securitatem sibi promittebat ex discordia Procerum, raro noxia principibus, quoties ipsi partibus non accesserint. Accepta à Viglio statatis excusatione, Carolum Tissenacquum suffecit; prudentiam, bonasque artes in viro secutus. Joachimum Hoperum Tissenaequio substituit.

Vbi hæc fama manavit in publicum, summa populi turbatio fuit. Hispanicæ Inquisitionis auspicium litteræ Regis mandare ferebantur. Et pridem Inquisitionis nōmen in

F 4 horro-



horrorem cesserat, cui atrocissima quæq; malignitas affinxerat. Criminabantur Proceres Philippum Regem à Granvellano obsecrum; inter gentem Belgis æmulam, atque infensam cogitare servitutem provinciarum omnium, & in præludium ejus Inquisitionem præmittere. Quæ cuncta clientes licentius spargebant in populum. Nec crebrior alius sermo per circulos, & convivia, quam, velamentum quari ad perdendam innocentiam. jurisdictiones, & imperia hominibus concedit, qui non jure, non legibus agerent: sed per vana, per calumnias, per nebulæ suspicionum grassarentur in familias divitum. ademptum jam cuique commercium sermonis, paratis semper delatoribus, qui in foro, in conviviis, in domibus, & undique uniuscujusque verba, nutumque exciperent. neminem fore insontem, qui inimicum invenerit ausurum accusare. tantam nulli potentiam, in quem superciliosa illa auctoritas non arrogaret imperium. nihil fascibus concedere, nihil sceptris deferre. Carolum Cæsarem criminacionibus notatum, quod cum Lutheranis in Germania mitius vixisset. Parati in Germania exercitus, qui invisum Belgis tribunal per vim stabiliant. Alfonsum de Canto, carcerem, vincula, compedes Bruxellis instruere. His rebus iter sibi moliri ad vertenda privilegia; ad extorquendam libertatem, Dominantibus semper invisam. Mera sine dubio insomnia erant. plebs tamen promiscue credebat, querebaturque; sine veri, aut falsi discrimine; ut quemque metus, dolor,

dolor, indignatio, conscientia impulerat. Hinc nefariæ voces, & turbulenti sermones, qui intra paucorum conscientiam ante occultū, tunc primum soluto metu vagabantur. Libertatem ejusmodi loquendi protervia Procerum aperuerat.

Forte cā tempestate inciderant Montignæ nuptiæ. Multi ex magnatibus ad solemnia convenerant. Incalescentes mero in Inquisitionem, & edicta atrociter perorabant; nec maledictis abstinebant in Regem. adeò ut quidam obtestarentur sacramento, ni leges flesteret suas, ab invito se libertatem expetituros. Quæ vox ab astantibus excepta, & inde repens in vulgus, nihil modestiæ reliquum fecit. Positi ad valvas Procerum palam libelli; parentes, patroni, protectores novæ religionis appellabantur; & si animus sit pro libertate consurgere, promittebant non defore populum. Quidam etiam mimographorum, & id genus ludicra carmina in sacerdotes, & episcopos spargebant; simul in Romanum Pontificem exonerabant virus insanientis ingenij. Nec quidquam eorum latebat Gubernatricem: sed de imperio Regis solicita, à primoribus civitatum secretò quarebat, an supra remedium malitia consisteteret. Plerisque omnibus consistere negantibus: Privatum Concilium cum Proceribus in curiam contraxit, rogatura auxilium. Anceps deliberatio

F 5

fuit,

fuit, hinc Inquisitionis invidiam, inde obfir-  
matum Regis imperium reputantibus. Sen-  
tentia Viglij litterarum regiarum publicatio-  
nem differendam esse ferebat; quo in statu  
respublica esset ostendens. importuniora re-  
media illa pristinis malis. Monendos potius  
Inquisitores, ne iudicia, quæ in haeresim ha-  
bent, ultra solitum intendant, vel ad aliena tra-  
ducant delicta, & sine duritic potestatem ex-  
erceant. Huic mox consilio Auriacum adver-  
sarum expertus est. Liquidum Regis imperi-  
um sine contumaciæ scelere protrahi non pos-  
se. interim rem esse altam, plenamque perici-  
li. quomodo tamen excusatueros, quod tot  
protelationibus deliberatam ejus voluntatem  
frustrarentur? Agedum, inquit Viglius, ego  
totam Regis iram in me suscipio. servata rei-  
publicæ tranquillitas nos absolvet. Et vide-  
batur Gubernatrix inclinatura in hanc sen-  
tentiam; cum Auriacus irato similis, intona-  
re cœpit; perfectum hactenus, ne quid amplius à se desideraretur. nihil litteris, nihil  
legationibus profectum. quid ergo exspe-  
ctarent? nisi parere omnino nollent Regi, ut  
omnem ipsi invidiam in Proceres reijerent.  
Incerta consilij Gubernatrix, atque huc, il-  
luc ex cuiusque sententiâ fluctuans, accedit  
tandem tristiora suadentibus. quanquam  
irati populi insaniam & impendentia perici-  
la satis prospiceret: omnem tamen fiduciam

in

n proceribus reponebat. Sed illi econtra maturabant exitium publicum. ut funestus rerum exitus probaret, consilium quod ipsi tradidissent Regi, fuisse optimum. Lætus ergo Auriacus, atque renidens, proxime sibi assidenti susurravit in aurem, visuros se prope diem ingentem tragœdiam.

Sed locus admonet, ut de initijs, & progres-  
su Inquisitionis pauca differam; quibusque  
causis ad hanc legum acerbitatem per ventum  
sit. Hispania à Romanis subacta, frigente  
jam imperio, Alanis, Vandaloisque Galliā pul-  
sis refugium dedit. Quos cum & illic Got-  
torum arma persequerentur, Genserico, &  
Gunthario ducibus trajecere in Africam. Got-  
ti vero tanquam non sibi, sed Hispanis ipsis  
vicissent, pristinis incolis coadunantur, & ex  
varijs gentibus vnum veluti corpus, & Chri-  
stianum populum constituunt. Post mul-  
tum temporis Rodericus Rex nobilissimæ fi-  
liae stuprum intulit. Julianus comes puellæ pa-  
ter, in ultionem sceleris Alanos, Vandaloisque  
rursus accersit in Hispaniam. Qui permixtis  
sibi Iudæis, ac Saracenis, ingentique varia-  
rum gentium colluvie, opposita Africæ littor-  
a populis inundant. Hispanos congredi-  
aus, varijs cladibus afficiunt. Postremo ad  
internacionem cæsos, & in Asturiæ compul-  
sos saltus, pro viëtis relinquunt. Inde Bar-  
bari jam securi, & sibi quisque regnum  
occu-

*Initium  
Inquisiti-  
onis.*

occupantes, in diversa distrahuntur imperia,  
sed nec infelicis exercitus reliquiæ in horridis  
suis montibus diu quievêre. Pelagium quen-  
dam regio ortum sanguine, ducem assumunt.  
**Cujus** fiducia cum Barbaris conferre manus  
ausi, & interdum victores, subegere primum  
finitimos. deinde alium post alium Regem ag-  
gressi, dum cum singulis pugnant, magnorum  
incrementorum fundamenta collocant. Sed  
nihil adhuc quam sceptrum victis ademerant;  
tributo contenti, quod capitatum pendere  
solebant barbari. Cæterum Christianis cum  
Saraceno non satis conveniebat, crebras iras  
exercentibus discordia religionis. Et barbari  
fere potentiores erant, quam ut timeri non  
possent. Itaque Ferdinandus, & Isabella se-  
mel & in perpetuum securitati consulere vo-  
lentes dimittunt per regna præcōnes qui ju-  
berent omnes excedere regno, aut Christi-  
ano ritu imbui. Plures Mauri pene octo  
jam sæculis Hispaniæ incubantes, redditi sunt  
Africæ suæ. multos tamen natalis soli dul-  
cedo retinuit. Qui ne simulata religione in-  
ter Christianos profani viverent, Ferdinandus  
atrocibus deterruit legibus, & ad eos-  
dem persequendos Inquisitores instituit. Sed  
ut potestatem illam sanctiorem efficeret, Do-  
minicanæ familiæ peculiarem fecit. non ha-  
bentibus tribunal erexit leges, & cæmonias  
in eam rem utiliter repetit, & ad terrorem

omnia

omnia instruxit. Damnati tanquam piaculares victimæ ad supplicia protrahuntur. solemnis pompa sacerdotes præuent, sacrum canentes carmen. Pone sacerdotes reus sequitur, croceo amiculo velatus, quod nigranitia geniorum simulacra, circumquaque interstingunt. mitram è papyro capite sustinet, in modum turbinis surgentem; in cuius apice humana eminet species, lambentibus flammis terribilis, quam circumvolantes geniorum figuræ horribiliorem efficiunt. pila ori inserta vocem impedit. Sequuntur hunc Abbes, & canonici pontificali cultu adornati. Post quos præsides, gubernatores, magistratus, & tota nobilitas. Crederes funus ad cremandum efferri. Et hæc est illa Inquisitio, ad cuius nomen Belgæ adeo exhortuerant. Multitudini utecumque formidabilis, cuius animos nihil magis quam rerum umbræ, atque oculis subiecta terriculamenta penetrant: tamen nihil in se habet, quod prudentiores deterreat. Cæterum vetustissimi Belgarum intersectas quoque iactati fure. adeoque hæresis anno D c c x i i furiibus facibus Gandavenses armavit in mutuum exitium. Eam tamen non ferro, non metu legum, aut sanguine: sed morum disciplina extinctam comperio. Exin continua pax, ac durata in Romanam sedem fides, & longa securitas ecclesiae, cuius tranquillitatem anno

anno M c c c c x l i v homo plebejus Durci  
sollicitare ausus, petitis ab Archiepiscopo ju-  
dicibus, violatæ religionis pœnas primus exol-  
vit. Vrbanis magistratibus insolitam sibi  
quæstionem exercere non audentibus. Quip-  
pe canonistarum suffragia Pontificio foro  
peculiarem fecerant. At posteaquam Mar-  
tinus Lutherus tentare publicam animorum  
pacem, & in Christianorum exitium cresce-  
re cœpit: religionis inclinationem excepere  
leges & judicia, ad extinguidam tabem  
composita. Ac imprimis Leo Decimus Pon-  
tifex maximus in contumacem Lutherum a-  
trociſſime detonuit. nec contentus censura  
ecclesiæ; insuper Hieronimum Alexandrum  
Præpositum S. Ioannis Leodiensis, Protono-  
tarium, ac bibliothecarium apostolicum lega-  
vit ad Carolum imperatorem, audacis insania  
ultionem provocans. Et quidem Cæſar ha-  
bitis Wormatiæ comitijs imperij, postquam  
Lutherum publica fide interposita eo acci-  
tum, fatentemque palam scelus, fruſtra solli-  
citasset ad palinodiam, illic unde venerat se-  
cure redditum, severissimis sanctionibus pro-  
ſcripſit. Legesque has omnium primas poſtr.  
Non. Maij M 15 xxi in ſectarios vibravit.

I. Ne cum Martino Luthero hɔſpitij, vel commercij  
jura misceto.

II. Quisquis eum habuerit in potestate, plectito, aut  
vincitum Cæſari transmittito.

III. Illicis

- III. Illicitis ejus commentis ne adhæreto; adhærentes cum ecclesia in gratiā redeunto, aut legibus plectuntur.  
IV. Damnatorum bona fisco, judici, delatori, addic-  
tior pro æqualibus partibus.  
V. Famosos, vetitosque libellos, seu probrosas imagi-  
nes ne parato, paratos exurito.  
VI. Typographi quæ ad religionē pertinent sine cen-  
sura Ordinariorum ne excidunt. in cæteris à Cæ-  
sare facultatem postulanto.

Cæterum prævalescente impetu novitatis, successit inquisitio; & ipsa suis armata legibus, quam primus omnium Franciscus Hulstius Brabantiae Consiliarius anno M<sup>1</sup>XXXII in Belgio exercuit. Iacobus Laurentius Mechliniensium Præses ei præerat. viri boni, indu-  
stria validi, moribusque insontes, apud Cæsa-  
rem tot virtutibus commendari promerue-  
rant. Cæterum plerisque hanc potestatem Pontificio foro peculiarem esse contendenti-  
bus; Adrianus Sextus diplomate firmavit. the-  
ologos tamen aliquot in assessores Hulstio attribuit. Ei postea Clemens Pontifex jurisdi-  
ctionem ademit, Cardinale à Marca episcop<sup>o</sup> Leodiensi succedere jussó. Nec à Marca tot simul curis par esse poterat. Itaque precibus Cæsaris Pontifex indulgens, anno M<sup>1</sup>XXVII tres quæsidores Belgio assignat. Præpositum canonicorum regularium Asprensiū Flan-  
driæ imposuit. Præpositum Scholarium Mon-  
tensium Hannoniæ, atque adiacentibus pro-  
vin-

vinciis. Jacobus de Montibus Decanus Lovaniensis severo atque implacabili ingenio erat eoque accommodatior vitijs temporum, Brabantiae, Hollandiae, Zeelandiae, Frisiae, prae-  
et us est. Multis ille recordiam doctrina excus-  
it. plures flagitium supplicio finiere. Postejus  
mortem, ceteros ut functione illa indignos,  
amotos accepimus. Ergo Paulus Tertius Pon-  
tifex anno M<sup>1</sup>XXXIII Renardum Tappera  
theologum atque decanum, Michaëlaque  
Drachium, I. C. & utrumque professores Lo-  
vanienses substituit. In quorum locum Pius  
Pontifex anno M<sup>1</sup>XLX Iodocum Tiletanum  
Præpositum Wallecourtij, necnon Michae-  
lem Bajum canonicum, theologos Louaniens-  
ies instituit. Quibus Cæsar prid. Cal. Jul.  
M<sup>1</sup>OL. querendi leges præscripsit in hanc  
formulam.

Inquisitores, & delegati, ad scito tabellione commis-  
sas sibi visitabunt provincias impendio publico. Am-  
gistratus, virisque piis, & integris diligenter quaerant  
in hereticos, aut non perfunctoriè suspectos. Qui dam-  
natos habeant libros, qui legant, qui conuenticula in  
quibus de religione & scripturis tractetur, foveant quia  
hereticorum fautores, qui receptatores. Tabellioni,  
scriptis elegia mandent atque custodiant.

Fidem testium haut aliter explorent; quam jurisfa-  
randi religione obstrictam. illos interim serio admone-  
ant, ne vel invidia, vel odio, vel alio pravo affectu quem-  
quam insimulent.

Qui eâ lege detulerit, ut nomen ejus non inferatur  
elogio; ne admittatur in testimonium.

Ea quæ deferentur occulta maneant. Nominia de-  
nuntiatorum, aut testimonia, haut aliter Inquisitores  
publicent, quam si adversus reos judicium experti fue-  
rint.

Delatores interim indifferenter audiant. Cum  
sinceram fuisse delationem constabit ex aliorum testi-  
moniis, delatum vocent in jus, sine respectu nullitatis  
prioris denuntiationis.

Si quis invidia, vel odio, aut pravo animi affectu  
falso deferat; judicibus & magistratibus, aut supre-  
mis curiis plectendus tradatur.

Quisquis ad Inquisitores vocabitur, venire debebit;  
cujuscumque tandem auctoritatis, vel conditionis, sive  
praesides, sive consiliarii Provinciales, aut magistratus,  
aut consules, vel senatores. Eosdem ad juramentum  
compellent, dicturos se ex animi sententia, quæ vel sci-  
ent, vel rogabuntur; utrum ne cognoscant hæretico-  
rum quempiam, aut vehementer suspectum.

Qui testimonium invitus dixerit, aut omnino per-  
hibere detrectaverit, ab Inquisitoribus admonebitur. Si  
admonitus non paruerit, tanquam fautor rapietur in  
judicium; aut arbitraria plectetur poena.

Et si in pristina contumacia laicus perseveraverit,  
ex edicto tanquam fautor hæreticorum plectetur, ad-  
versus ecclesiasticos jure agetur.

Praesides, consiliarii, judices, praetores, vasalli, & ge-  
neraliter quicumque officiales, magistratus & subditi,  
Inquisitoribus, tabellionibus, aliisque ministris auxi-  
lium

lum prætent. tutos eos ab injuria reddant. contumiam inferre ausos pœnis coërcant. Si quis neglexit, aut dissimulaverit, ut fautor plectetur.

Hi, quos liquebit esse hæreticos, aut in edicta peccasse, vel qui duorum testimonio, vel alioquin legitime iusdem criminis convicti fuerint, comprehensi compungentur in carcerem. Iudices & officiales eam in rem prætent operam suam. inviti, & negligentes penam fautorum plectantur.

Inquisitores à Cæsare litteras accipiant ad compellendos iudices, & magistratus in auxilium. Nam & Cæsar supremis, ac Provincialibus Curiis mandaturus est, ut de invitatis, & negligentibus pœnam sumant, vel in eos se animadversurum. Ecclesiastici, ab Inquisitoribus comprehensi, condantur in carcerem Concilii Provincialis, aut ordinarii. adversus quos aggatur sine strepitu, aut forma judicij. Lite instruenda Concilio Cæsareo nonnulli adsciscantur ad ferendam sententiam.

Quisquis ab Inquisitoribus in hoc eligeretur, de causa cognoscere debet, & ad absolutionem, vel condemnationem rei suffragium promere.

Concilium quoq; Provinciale cognoscere, & pronuntiare cogatur, si ab Inquisitoribus interpellatum fuerit.

Si quis gravabitur, aut omnino detrectaverit conferre operam suam, debebunt hoc ipsum Inquisitores denuntiare Gubernatrici, aut privato Concilio. Si Inquisitores adscito sibi Consiliario aliquo degradandum esse reum pronuntiaverint, laicus judex sine mora degradato sumat supplicium.

Sext

Si ex elogio appareat laicum edicta transgressum esse; Inquisitores negotium conferant cum consiliario Cæsareo, ex cuius relatione Provinciale Concilium in sententia secundum edictum animadverteret.

Sed ne interim Inquisitores incurvant periculum irregularitatis, veniam expectabunt à sede Apostolica.

Interea ad conficiendum elogium, Consiliarium si bi adsciscant. qui, si in edicta peccatum videat, magistris regionis, aut Provinciali curiæ, & procuratori Generali elogium communicare debet, ut adversus fontes litem instituant.

Si laicus ex elogio suspectus appareat, in edicta tamen peccasse non probetur: tunc Inquisitores adscito Consiliario, vel perito aliquo à Provinciali curia delegato, de causa cognoscant.

Similiter si lite coram laico instituta, in edicta peccatum esse non liqueat; reus tamen aut suspectus, aut iure communi plectendus videatur: utique judex reum absolvet ab instantia: ad Inquisitorem tamen transmitter, ut cognoscat ille, an ex integro in jus vocari debeat.

Provincialibus autem curiis mandat Cæsar sub pena indignationis, ne Inquisitoribus impedimentum facescant. & si cōtroversia inter eos oriatur Gubernatrici denuntient.

Officiales, & Ordinarii molestiam Inquisitori non exhibeant: alioquin ecclesiasticis censuris deterreat eos Inquisitor, aut Gubernatricis opem impleret. illa vero subsidio erit Inquisitoribus, cavebitque ne tam sanctum differatur negotium.

Sed nec è contra Inquisitor, Officialis, aut Ordinarij jurisdictionem perturbet.

Cum alterius provinciae incolæ ad Inquisitorem deferentur; elogium ille transmittet ad Inquisitorem domicilii, ut de criminè cognoscat.

Inquisitores quoque pastorum mores expendant, an viri boni, & sinceri, an catholici sint. si qui mercenarii deserto monachorum habitu pastoralia subserint officia, submovebit eos Inquisitor; quamvis eulfasticii judicis consensu rationem vivendi, cultumque mutaverint.

Pastores palam foventes concubinam, aut qui carnis scandalum fuerint; item indoctos, & inidoneos, episcopi, & Officialis, ex relatione Inquisitorum subseruant, dignioresque substituant. salvo jure colationis, & presentationis. Si episcopi, aut Officialis parere directaverint, Inquisitor imploret Gubernatricis auxilium.

In ludimistis famam, & mores observet. simili quid juventuti prælegant. si quid emendandum dixerit, denuntiet iis qui subrogandi jus habent; ut ut ipsi corrigant, vel si videbitur ludimistrum dimittant. Qui si hoc ipsum facere gravabuntur, Gubernatrici denuntiet. Inquisitor denique in libros inquiret, ne dannati, aut suspecti excudantur vel disfendantur. item in mores, & familiaritates typographorum, & bibliopolarum. si quid corrigendum est, statim emendet, ex magistratus aut curia Provincialia suffragio.

In primis ea adhibenda est cura, ne pium hoc me-

ium ex difficii reddatur impossibile; simul ne emigant, aut deglubant populum Inquisitores. Et ante omnia remedium adhibeant his, quæ sine periculo religionis, aut detrimento reipublicæ ferri non possunt. persuasumque omnibus reddant, se non quæ suæ sed quæ Christi sunt quærere. in hoc potissimum intenti ut à Belgio contagionem arceant.

Inquisitores eorumque ministri, stipendium à Cæsare accipient.

Impensis capturæ & carceris præstabunt judices, qui manum reo injecerint, quas rationibus Cæsar imputent.

Philippus Rex III Cal. Decemb. M<sup>er</sup>CVL, sicut antè diximus, imperium adeptus, hæc parentis sui præscripta diplomate corroboravit, & sub titulo nominis sui tulit ad populum. Sed medio tempore alia, atque alia edicta. gliscen- tibus indies novis sceleribus, quibus sequentes leges obviam ibant. Primæ illæ Anno M<sup>er</sup>CXXVI ultrà mulctam nihil inflixerant. quas An. M<sup>er</sup> CXXIX transgredi capitale fuit. Mox M<sup>er</sup> CXXXI. M<sup>er</sup> CXXXIII. M<sup>er</sup> CXL. M<sup>er</sup> CXLIV. & M<sup>er</sup> CXLV. va- riè auctas: dein M<sup>er</sup> CXLVI intensas; atque M<sup>er</sup> CXLIX interpretatas, ad ultimum Cæsar III. Calend. Maji M<sup>er</sup> CL in unum omnes corpus contraxit, & hanc tabulam populo proposuit.

Libros Martini Lutheri, Ioannis Oecolampadij, Ulrici Zwinglij, Martini Buceri, Ioannis Calvini, editionesve ab universitate Lovaniensi proscriptas, ne vulgato, ne distrahit, neve legitio. Famo-

G 3 sas, &

sas, & probrosas in religionem imagines ne singito. f.  
etas ne retineto, ne distrahit. sacras imagines ne vi-  
lato. secretos cœtus ne agitato. à conciliabulis, & con-  
venticulis abstineto. Extra theologos ab universitatibus  
admissos, de scripturarum sensu sermonem, controver-  
siamque nemo miscet. Proferendi, differendi, con-  
cionandi illicita jus non esto. Qui secus faxit, perduel-  
lis esto. ex die criminis intestabilis esto. alienandis  
cultatem ne habeto.

Pœnarum gradus sunt. pœnitentia ducti, si viii,  
gladio plectuntur. fœminæ in terram vivæ defodiun-  
tor. contumaces igne cremantur. bona universorum  
fiscum rediguntur.

Domum sciens ne aperito sectariis. victum, &  
mictum ne administrato. ad Inquisidores vel magistri-  
tus deferto. quod si quis earum rerum præscriptum ca-  
cesserit, noxia par cœteris esto.

Qui imprudens hæresim contraxerit, & innocentia  
habitam legitimè maledixerit, si de religione sermo-  
nem sparserit, relapsus habetur.

Qui suspicionibus diffamatus hæresi maledixerit,  
aut ex ea causa pœnas dederit; amplexus illicita, et si  
edicta non peccaverit, relapsus habetur. Relapsi ultimi-  
mo suppicio, cum publicatione bonorum puniuntur.  
Suspecti vel ad pœnitentiam admissi, ad magistratus  
dignitates, officia ne assumuntur.

Peregrini ad incolatum sine testimonio parochiæ  
admittuntur, suspecti habentur, in jus rapiuntur.

Patroni & magistratus territoriorum, flagitia al-  
laicum judicem spectantia animosè vindicanto. ali-

qui

quin imperio & jurisdictione privantor; arbitrariam multam incurrunto.

Inquisitoribus cum in jus vocant, aut in vincula ducent subsidio sunt. si ad persequenda ea, quae ad Inquisitionem spectant, concurrere velint, admittuntur. Procuratores fisci negligentibus, & dissimulantibus dicam scribunto.

Archiepiscopi, episcopi, archidiaconi, abbates, prelati, capitula, vicarii, Officiales, Pontificii judices, atque Inquisitores in sacerdotes hereticos judicia exercento.

Ad perpetuos carceres damnati, vel ad palinodiam admissi, si præterea in edicta deliquerint, seditionis egerint, aliudve turbulentum peccassint, magistratus publicationem bonorum persequunto.

Hæreticum ad Inquisitores, episcopos, vel parochos deferto. transgressorum edictorum ad magistratus. qui celaverit, fautor habetor, pœna vindicator.

Delator dimidium bonorum convicti auferto; ita tamen, si ultra centum libras Flandricas in bonis non habuerit. eorum que amplius centum in bonis fuerint, dimidium percipito.

Qui conciliabula, & conventicula indicaſit, si particeps fuerit, impunitatem ejus rei habeto. si non fuerit, dimidium bonorum centenarii, decimamve eorum, qui centenario maiores erunt, auferto.

Iudices provinciales de his delictis cognoscunt. magistratus municipales si prævenerint, judicium exercento. bona tamen principali fisco addicunto, deductis impensis. salvo tame jure XII. Cal. Decemb. M<sup>DC</sup>X<sup>LIX</sup> vasallis prescripto.

Pœnas legum arbitrari, vel mitigare fas non est.  
qui faxit, dignitate, & officio privator. ad magis-  
tratus, & honores inhabilis esto. pœnam arbitriam  
incurrito.

Fugitivi, & contumaces pro convictis habentur.  
qui profugitivis Imperatori supplicaverit, ad publica  
munera, ad honores, ad postulandum indignus  
esto.

Artem typographicam sine venia ne exerceto, ni-  
hil sine facultate Ordinarii prælis committito. Qui  
secus faxit, & illicita impresserit, pœna sectariorum  
plectitor: si licita; exilium, & quinquaginta libra  
pœna sunt. domini pro familia tenentor. famuli ex-  
tra officinam heri ne imprimunto.

Facultatem imprimendi, nisi boni nominis, nemo  
impetrato. Qui facultatem impetraverit, juramentum  
præstato, nihil extra provinciam, citrè censuram ex-  
cusurum. nomen, & domicilium, simul & compendi-  
um diplomatis libellis præfigito.

Ante distractionem librorum, Ordinariis aut vi-  
cariis exemplar transmittito. sin secus, arbitraria pa-  
na plectitor. Bibliopolæ sine facultate ne sunt. librō-  
rum non privilegiatorum quæstum ne faciunto. Edi-  
tiones extra provinciam excusas ante censuram  
Ordinarii, aut vicarii ne prostituunto. alioquin sil-  
licita distraxerint capitale esto. si licita xx. Carli  
pana sunt.

Boni nominis bibliopolæ sunt. in hasce leges juran-  
to. extra civitates ne habitanto, neve distractabun-  
to. inventarium licitorum, & illicitorum librorum in  
officina

officina habento, vel centum Carolis multantur. Magistratus municipales, cum eruditioribus bis quotannis officinam scrutantur. bibliopolæ magistratibus officinas aperiunt. præter bibliopolas nemo venundato.

Ludum litterarium sine venia magistratus & parochi, vel eorum quibus hæc provincia mandata est, nemo aperito. noxa XII. Caroli sunt. iteranti, pœna dupli, cum exilio. boni nominis professores sunt. libros ab universitate Lovaniensi præscriptos juventuti pralegundo.

Harum legum æterna auctoritas esto. ac ne in obli-  
vionem veniant; singulis trimestribus publicantur.  
magistratus, si omiserint decem Carolos fisco præstan-  
to. secunda culpa duplo plectitor. tertia pœnis legum  
tenetor.

Ac ne tum quidem omissum, quin multa,  
& diversa Antverpienses quererentur. Terre-  
bat illos præcipue quod cum inquinatis ho-  
minibus miscere hospitium, & inire com-  
mercia vetabantur. Igitur Cæsar vii Cal.  
Octob. Mi o l. leges suas ad ultimum inter-  
pretatus, hæreticos in fraudem legum tantum,  
alienandi jus non habere edixit; advenasque  
passim hospitio suscipi posse, si nihil irreligio-  
sius, aut seditionis dixerint, egerintve. Sic  
tandem ei rei pacem paravit, quoad sequens  
temporum malignitas, rursus in edicta con-  
surgeret.

Ergo ut istuc redeam, unde me necessitas  
paullo longius abduxit; posteaquam litteræ

Regiae, (quas supra retulimus) à præcone vul-  
gari, & in fontes pœnæ revocari cœptæ; im-  
manè, quantum feralis illa vox excitaverit fa-  
cem. non jam solum territa plebes seditiosus  
fremere: sed & omnis factio nobilium. tota-  
que provincias murmur & insania pervadere,  
hoc non esse regnum exercere, sed tyramni-  
dem, cum alijs mortem, alijs exilium, omnibus  
metum prætextu violatae religionis intenteret.  
Rex Philippus; ut singulorum bonis re vera  
inhiet. non se adeo stolidos, ut ignorent, quæ  
sint officia principis, quæ populi. debere se ob-  
sequium, cætera liberos solutosque. Proinde si  
pergeret ille tentare, quæ extrema sunt in ser-  
vitute, inventurum qui armata opponent cor-  
pora sua, bello honestius, quam lictorum ma-  
nibus perituros. Hæc & ejusmodi percuneos,  
ac conventus promiscue jactabantur. Nam  
plerique re vera credebant Hispanicæ Inqui-  
sitionis adferri initium.

Eodem tempore Maria Portugalica Regis  
filio genita, in Belgium venit. Alexandro Far-  
nesio Gubernatricis filio paullo ante despon-  
sa; & ad eandem accersendam comes Man-  
veldius unà cum familia in Portugaliam con-  
cesserat. Nuptiarum dies pro magnitudine  
fortunæ apparatibus insignis, multos morta-  
les exciverat. Nam & pater Octavius magna  
Italorum iuvenum manu advenerat. ac ne stu-  
dio magnificentiæ Belgæ vincerentur, cultu ad-

pom-

pompam exacto, hastiles ludos ad invidiam instruxerant. Mensis November erat in hoc ultima dies S. Andreæ sacer, magno honore aurei velleris equitibus colebatur. Quippe patronum eum majorum pietas huic Ordini præscripserat. Cum igitur solita sacrificij solemnia ipsos proceres cum reliqua nobilitate corrogassent in templum; Præses Viglius Ordinis Cancellarius pro concione exponere cœpit; Splendidissimum hunc Ordinem, haut alia causa cœpisse originem, quam ut religionem & concordiam, maxima regni præsidia, Proceres alerent. Basim, & fundamentum reipublicæ religionem esse. sine illa humanarum rerum, regimen stare non posse. tutelam ejus omnibus incumbere; ac in primis Principibus viris, ad prodendum in vulgus exemplum. Cæteros mortales Regibus subiici. Reges autem Ecclesiæ. nec eam esse aliam quam Romanam; hoc est, Christi Ecclesiam, quæ à temporibus apostolorum continua serie ab nos descendens, Beatum Andream huic Ordini patronum dedit. Eundem, sicuti memoria traditur, idolis, sacrificare jussum, Agæ & proconsuli intrepide respondisse, se cotidie pretiosissimum corpus, sanguinemque domini nostri Iesu Christi æterno patri in victimam offerre illam esse veterem hereditatem ecclesiæ, ab ipso Christo nobis testamento relictam. multos olim ecclesiam expertanz hereticos: neminem tamen hactenus inventum esse, qui in sacrificium consurgeret, tantique sacramenti veritatem in questionem revocaret. Hanc primum etatem oppugnasse sanctissimum mysterium. Nec habitura fuisset

fuisse commenta illa tot sectatores, nisi accessissent studia  
*Principum*, privatis respectibus cuncta novantum.  
*Non Reges Angliae, non Germaniae principes amore di-*  
*vini cultus professiones illas amplexos esse. alios, util-*  
*centius indulgerent voluptatibus; alios, ut lautis sacer-*  
*dotum patrimonis implerent aerarium accessisse huic*  
*disciplinæ. Gallorum denique Proceres ambitione fla-*  
*grantes, aulæque infensos, quo factioni suæ vires, & in*  
*emulos potentiam quærerent, præbuuisse tumultuan-*  
*tibus duces. breviter, si à principib[us] mutata religio[ni]*  
*causam exigas, haut aliam reddituros, quam ut ratio[ni]bus*  
*politicis, ad cuiusque affectum, pro larva servire.*  
*Hinc vero tabem illam cepisse incrementum. quea-*  
*pud nos eo proclivius erui possit, quod intra obscuris-*  
*morum hominum ingenia adhuc absconderetur. Et*  
*hanc potissimum solicitudinem ad Proceres spectare,*  
*aurei velleris sacramento obstrictos.*

A plerisque effuso risu excepta est oratio; interrogantibus ecquas adhuc haberet aniles fabulas, qui modo de sancto Andreâ vanissima commenta, somniaque recitasset. Quæ ex eo hic inserui, ut corrupti saeculi mores noscitarentur. Quippe nobilitas in segnitiem, torporemque resoluta, nec ut olim intenta ad martem, pascebat animum peregrinacionibus. Ac specie studiorum Genevam transiens, dum bonas artes, & civilia investigare crederetur; pravos ritus, turbidos ue mores in patriam referebat. Hinc pristinorum sa-  
 crorum fastidio laboravit. Num denique

con-

contemnere cœpit. de quo ad ultimum nihil certi habuit.

Circa idem tempus, Svartenburgius, Hollius & Westerholtius Bruxellis agebant. Germani principes erant. Sed à sensu majorum abstracti, lacescebant subinde cavillis patientiam Procerum, & si in eum modum incesserentur, ferro se libertatem asserebant ulturos. furiosi turbines ad discutiendum composita, per quorum etiam amicitiam Belgæ fidentius scelera audebant. Et mox omnia in turbas vergere. Provinciarum Gubernatores concordi voce denuntiabant Gubernatrici, non velle se, & si maxime vellent, non posse tamen Inquisitoribus administrare subsidium, aut inviolissimarum legum exercitium admittere. ita induxisse in animum, si obstinatus pergeret ipsa mandare, quæ communi officerent libertati, continuo se magistratu abdicaturos. Brabantiae Ordines apud Provinciale Concilium ( Cancellariam ipsi nominant ) exponebant libello, non esse fas ecclesiasticis in Brabantia incrementum accipere, aut extra pristina tribunalia in jus vocare. easdem leges sacramento Regis sanctitas esse, proterique, quoties contra solitos mores inferretur Inquisitio. Proinde ut revocaretur mandatum, quo magistratus civitatum Inquisitoribus adesse jubebantur, orare. Trepidante consilijs Curia, consultatio ad Gubernatricē rejicitur. Et illa quidem

quidem attonita, primò, & ante omnia Inquisitorum Lovaniensium sententiam exploravit, cum illi nescio quid inordinatum promisissent; Brabanticæ Curiæ senatores, cum Privata Curia, atque una Proceres in consilium adhuc buit. Tres fuere sententiæ. Prima Cancellariae, & illa obscurior. singulis non satis adhuc audentibus invidiæ se offerre. Post apertius suffragari jussi, Inquisitionem hactenus Brabantis insolitam pronuntiant. edictis, & legibus non inusitato ejusmodi remedio compellendos esse hæreticos ad officium. Privata Curia censebat Brabantes Inquisitioni obnoxios. Sed Proceres statim Cancellariae assentiebantur: posteriorem sententiam ut duram rigidamque reprehendentes, alteram illam laudabant, tanquam moderatam, aptamque temporis; & quod equum esset credere, cuin de interpretatione legum quæreretur, leges ipsas tractantibus. Orta ergo est & tertia sententia. Nam cum cæteræ curiæ hoc amplius decernerent, referendum esse de toto negotio ad Regem; Proceres econtra vociferabantur, *Non esse nunc tempus respiciendi ad tam serum auxilium.* Imo confessum, & sine mora pronuntiandum pro legibus patrijs, in quarum iustitiam plurimum suffragia consentirent. nihil enim Ordines arbitraturos, quam negotium extrahi, ut tempore evanescat. Et sine mora Gubernatrix Proceribus accessit, cuius imprudentia

con-

confilij, sequentium malorum eventus expli-  
cuit. Mox quippe cæteræ provinciæ idem  
postulantes, non exspectato Gubernatricis  
imperio universis Inquisitoribus adimebant  
jurisdictionis ministerium. Inquisitores vero  
paullo ante à Gubernatrice ad constantiam  
severitatis animati, jamque attoniti, incerti-  
que quid agerent, vanis querimonij in aula  
exprobabant, compelli se ad intensionem of-  
ficij, cuius potestas à magistratibus destituta,  
sine auctoritate, & formidine, imo vana, & ri-  
dicula relinqueretur. simul omnes parati In-  
quisitionis munia deponere; nihil aliud retu-  
lere quam verba, & voces, & adulatoria auli-  
corum fastidia. ambiguâ semper Gubernatri-  
ce, reliquisque occultè adversis.

Quæres vivendi licentiam palam solvit.  
populi mores, studiaque labefactavit. At nihil  
æque publicam acceleravit calamitatē, quam  
turbulenta colloquia, quibus per multos hos-  
ce dies, non solum otiosa, segnisque multitu-  
do maledicis sermonibus traducebat Regem:  
sed & nobilissimi passim viri. quem ego mor-  
bum pernitiosissimum judico, quando à capite  
diffunditur. Ergo ex omni parte seditionis  
materia quærebatur. multis haut obscure  
frementibus, vindicandam esse ferro liberta-  
tem. Atque omnia prorsus audaciæ opportu-  
na dicebant. Nullum in Belgio peregrinum exerci-  
tum. veterans alieno ære oppressos, perinde querulos.  
quibus

quibus in pace nulla spes reliqua. causam, & initium ad flagitanda per seditionem stipendia circumflectare. nec à Gubernatrice ad expeditionē exciri posse, promisstoties frustratos. Quid tamē si excirentur? nullum ex ipmetum. qui non integrā fidem adferrent, plerisq; curtionibus Inquisitionem detestantibus. ceterosque facile consensuros in scelus, cum Proceres, cum tribunos, cduces in partibus viderint. Tardum esse peregrinos eluare exercitus. sed nec illos sine stipēdio vexilla servaturos.

*Exordiū  
conjurā-  
tionis no-  
bilitatis.*

Hos & ejusmodi sermones pronis auribus plerique accipiebant, expendebantque. nam & opes reipublicæ accisas neverant, vulgatis, passim arcanis imperij. Hinc audacia, atroxque consilium, & fiducia rerum novandarum, jam primum nimia licentia, dein conscientia labentis aulæ, & quod negari non potest, novitatibus oblectatæ; cujus mores, & ingenium omnis fere regio induerat.

Primum conjurationis consilium Bruxellæ fuit. sex nobiles ad cœnam convenerant. interque pocula increpantes ignaviam Procerum, quòd toties de abroganda Inquisitione consultando perdidissent operam; atque inde indignitas animos acueret, tristissimum facinus exorsi sunt. ferendum utcumque erat, et si non æquo animo, si saltem plebei homines tanto sceleri præbuissent initium. sex autati equites conjuravere in perniciem publicam, & pacem Belgarum, statumque concussere. nec enim plures in exordio fuisse memoratur.

ut jure miretur posteritas, à tam paucis cœptum, quod tot millium sanguis, nec adhuc sati expavit. temulent per insolentiam, atque lasciviam suscepere nefanda consilia, ut pari audaciâ jam sobrij, nec minus vecordes exquerentur. Seu compromissum, aut compactum, seu societas (quæ inter malos nulla esse potest) sive potius conjuratio, seu quoquo nomine hoc ipsum quod egerunt, appellandum sit, fide invicem datâ acceptâque, subscriptâ certæ formulæ. De nominibus auctorum omnium non convenit. Quædam ætas obliteravit, atque odium partium. ego quoque consultò nonnullis parco, quorum vestigia per annales dissipata invenio. non quod posterorū magnitudinem in majorum maculis, pudendisque imaginibus, offendere metuam. nam quomodocumque hæc scripsero, scio mihi imminere invidiam. nolo tamen erubescant illi, quos jam fastigijs admotos video. quidam enim hodie eâ laborant intemperie animi, ut majorum sive errorem, sive fatalem vecordiam exprobrare non timeant liberis innocentibus. Inimica res tranquillitati publicæ, multisque gentibus civili sanguine per factiones expiata. Ego virtutes, & vitia temporum tradere constitui: nemini vero ruborem exprimere. Cæterum Philippum Marnixium Sanctæ-algodundum legem fœderis in hunc sensum dictasse comperio.

H

Satis

Formul'a  
con-  
jura-  
tionis.

Satis constat, quosdam perversos, callidosque homines, insatiabili avaritiae, intolerabilique ambitioni, & superbiae sue inservientes, sub falso religionis umbra, sub publicae tranquillitatis praetextu, perduxisse eo Regem; ut conatus ille sit, contra bonorum suffragia, contra sacrosanctum Deoque & hominibus dictum sacramentum, pernitosissimam Inquisitionem per vim inferre. rem gentibus abominandam, divinisque, & humanis legibus contrariam infandam ejus crudelitatem, nulla infidelium barbaries, nulla tyrannorum saevitia exequat. nec ob aliud reperta est, quam in contemptum divini nominis, & exitium publicum. Si quidem jurisdictionem omnem Inquisitoribus transcribit. ceteros in servitutem redigit. civium omnium capita in discrimen adducit. Nemo enim insons futurus est, quisquis vel sacerdotem, vel Hispanum inimicum sibi inveniet, vel scurram aliquem in caput suum subornatum. Nam dicenda causa potestas, omnisque defensio reis adimitur. Haec ergo revocamus ad animum. & officijs nostri ducimus imminentibus succurrere malis, corporaque & facultates nostras prædæ eripere: ne prætextu violatæ religionis innocentium sanguine calumnia passatur. Itaque pulcherrimum facinus contracta societate aggressi sumus. gravissimisque obsecrationibus obstringimus mutua capita, nullam nos Inquisitionem in Belgio passuros, nec ullam rem que eo pertineat, quoquo titulo adumbratam; sive Inquisitio, sive visitatio, aut edictum, seu quocumque

que alio nomine appelleatur. sed econtra sublaturos, atque eradicaturos eam funditus, tanquam fontem confusionis, & injustitiae. Obtestamur interim hanc alio haec respicere, quam ad honorem gloriamque divini cultus, & amplitudinem Regis, ac salutem publicam. ut salubri aliquâ ratione popularibus discordiis obviare liceat. Proinde Deum in testem accipimus, non commissuros, ut Inquisitio, vel edicta nostrorum quempiam lacescant. cateroqui corpus, & bona oblaturos in ultionem. sed nec ullus color, aut occasio, nullus titulus, aut causa, ad excusationem proficiet, quo minus ad auxilium quisque confluere debeat, etiam si rebellionis crimen contractum obtendat. Nec enim rebelles dici possunt, qui gloriam querunt divini nominis, Regisque maiestatem tuentur, & salutem publicam, qui bonorum curam gerunt, uxoremque, & liberos, & familiam vindicant ab injuria; in quorum tutelam Deus, & natura universos obstrinxit. Interea ut sancta haec societas inconcussa semper, & inviolata permaneat, fidem invicem praestamus, ea nos acturos, ratumque habituros, quae statuentur ex communi consilio, vel ex suffragio illorum quibus ea cura mandata fuerit. Creatorem cœli, & terræ, mentium scrutatorem, in testem accipimus nostrarum actionum; sanctissimumque ejus nomen invocamus, precamurque suppliciter, ne cœpta haec nostra successus destituat. utque per gratiam S. Spiritus ad honorem sanctissimi nominis sui, publicamque

H. 2.

tran-

tranquillitatem, & animarum nostrarum salutem  
dirigere velit. Amen.

Ipsa ferè retuli verba, sicut erant incompta, atque acerba, quantum Latino sermone assequi licuit. Primus deinde Marnixius subscrispsit; & si fallat, iratum Deum, hominesque invocat. Cæteri deinde idem faciunt. Hæc enim erat tessera conjurationis. Cæterum ut furori pararent vires, itum inde per provincias. amicos, propinquos, necessarios, familiares, notos atque ignotos, bonos ac malos, in idem facinus concitant. Multi levis animi vitio easdem partes amplexi sunt: pauci consilio. catholici, an hæretici, nullo discrimine. Toti dies comessationibus transigabantur; & ut quemque in contubernium attraxerant, obviam ei ire, 'prensare, amplecti, onerare poculis, præire sacramentum, dextram chartæ ad signandum adducere, dubitantibus exprobrare vecordiam, minis cogere, sic passim, latèque nomina data. & à plerisque tanta securitate, ut ne scirent quidem quid subscriberent, atque interim pigeret exquirere. postridiè verò cum animo suo reputantibus magnitudinem facinoris, non patet regressus ad pœnitentiam. Auriacus, Egmondanus, Hornanus, Megemus, Bergenfis & præterea multi ejusdem Ordinis, ut auctores, vel participes conjurationis jactabantur, quorum signa quoque falsò codicillis imprefserant.

ferant. hac arte centuriones potissimum, & signiferi in scelus obstricti sunt. in quibus tamen plus amentiae, quam sceleris fuit. Scio quoque Henricum Brederodium, in Ordinaria turmæ signiferum strinxisse ferrum, quod sacramentum accipere detrectaret.

Primum colloquium factiosis Bredæ fuit. Sub Id. Mart. non uno praetextu cum Hornano, ad Auriacum diverterant, secretum inituri consilium. Forte autem Swartenburgius, Hollius, & Westerholtius in Germaniam recedebant. Hoochstratanus solempne viaticum abitulis instruxerat, in Hoochstrateni prætorio suo, frequentesque conjuratos convivio adhibuit. Egmondanus, & Megemus eodem veniebant. Cum multo incalescerent mero, trecentos, & amplius nobilissimos viros conjurasse in Inquisitionem & edicta Auriacus memoravit, viresque illorum non immodecè aestimare cœpit. Megemus novitatem consilii admiratus; quid? inquit, tam pauci in perniciem publicam? ita me Deus, ducenta florinorum millia permiserit mihi Rex, scuris ego illis caput imminuam. Ut facile appareret abhorrere eum à furiosis consiliis. Sublata jam mensa Auriacus sollicita manu Egmondanum protraxit in secretum, totamque scenam conjurationis aperuit. quacumque tandem mente, Egmondanus inde cum Mego Bruxellam iter instituit. Promptius

H 3 hinc

hinc agitatum inter temulentos de summâ conjurationis. Auriacum, & Hornanum arbitros fecerant amentiæ suæ. magna nomina, & momentum partium. Publicis enim consilijs incumbebant. Quærebatur potissimum inermes, an armati; oratione, an libello sententiam exponerent. vicit mitior ratio, ut inermes, & libello; tanquam jus, forumque respicerent. In dictando libello non unus aliquis consensus. sæpius in aliam atque aliam verterunt formam. Sunt qui Hispanicè conscriptum velint. quos ego falli existimo. De Gallico idiomate plures mecum consentiunt, quod & publica exemplaria promiscue præferunt. apud omnes tamen in hanc sententiam fuisse invenio.

*Celsitudini Parmensi.*

*Libel'us à conju-* Belgas venerationi principis sui religiosius semper fuisse deditos, nullus est terrarum angulus qui ratis Gu bernatrici ignoret. hanc in primis gloriam nobilibus peculia oblatu- rem genius fecit, fortunarum suarum, vitaque prodigis pro salute Principis. Proinde nihil prius nobis fuit, quam ne, majorum vestigijs inhærentes, vinceremur obsequio. Movemur enim causa reipublicæ. Aliquantillum invidiae subire eligimus, quam intempestivo peccare silentio, & ad præsum omittere, quæ ad communem incolumentatem per- tinent. Quantum summæ rerum collaturi simus, tempus aperiet. nullum majus à nobis obsequium

*expte-*

expectari potest. Quamvis ergo nemo dubitet, haut perperam fecisse Regem, quod servari jussere leges, quas recte forte consiliis Cæsar edixit: tamen habenda est ratio temporis. ejus condicio, alia atque alia remedia exigit. Eadem illæ leges, ultra priscum rigorem exercitatae, multorum motuum hactenus causa fuere. Quas cum nuperis suis litteris Rex non mitigaverit; sed econtra exerceri eas acris jusserrit: timemus sanè, ne ingravescientia mala in tumultus exeant. quos funesta terrarum vastatio excipiat. multa cottidiè indicia seditionis erumpunt. Iamdiu expectavimus, ut Proceres, Ordinesve provinciarum hanc in se curando transferrent, atque imminentium calamitatum radicem excinderent: sed cum hoc illi graventur officium, & in procinctu stet pernicies, ac ruina publica: unusquisque nostrum muneris sui esse credidit, exolvere se sacramento, atque impendentis tempestatibus periculum avertere. Satis quippe confidimus æqui, bonique consulturum Regem hæc monita. Maximè enim nostra interest. Quoniam ruinæ agentes, & populationibus expositi, omnium proximi habemur, in quos tumultuantium rabies feraatur. Adhæc si rigorem illum semel admittimus, quem deinceps innocentem Rex habiturus est? non deerunt certè, qui improba præmij spe invitabuntur ad calumniam: qui prætextu violatæ religiosis, periculum singulis intentent. quippe accusatis nullum relictum est refugium, quam clementia, & disimulatio judicis, in cuius misericordia omnium

H 4 vita

vita opesque sitæ sunt. Oramus ergo ut obviam  
eas: & pro magnitudine causæ mittas ocyus ad Re-  
gem; ut videat, ne quid detrimenti respublica ac-  
cipiat. Salva illa stare non potest, nisi mala hec,  
edictorum abrogatione antevertat, & perire leges  
malit, quam rempublicam. Quamvis denique  
necessitas temporis edicta non rejiceret: iustitia ta-  
men, & aequitas abrogari postulant. Hujus consi-  
ly rationem reddimus vobis, quotiescumque Rex  
anobis exegerit. Sed ne officia hec nostra inimico-  
rum acerbitas in deteriorem partem interpretetur;  
tanquam contendamus dominantibus prescribere  
leges, aut Majestati frænum injicere: Placebit  
Regi refringere leges generalium Ordinum con-  
sensu, & ultionem flagitorum sic exigere. Roga-  
mus tamen Celsitudinem tuam, ut dum expectas  
voluntatem Regis, exercitium interim legum, &  
Inquisitionis suspendas. Quod officij fuit nostri, ex-  
egimus, impendentium calamitatum indicia non  
suppresimus. ne, si quid evenierit tristius, impu-  
tari nobis debeat. Proinde Deum, & Regem, &  
Celsitudinem tuam, ipsum denique Concilium  
Status, propriamque conscientiam intestes acci-  
pimus presentis obsequij. in quo hanc alias nos ges-  
simus, quam fidos clientes, & ministros convenit.  
Ideoque instamus quam maxime, ut mature sub-  
venias. Offerendi partes Brederodius popo-  
scit. priscis Hollandiæ comitibus stirpis suæ  
auctoribus ferox, atque ore tenus facundus,  
perinde audax, atque factiosus, & ad flagitium

prom-

promptissimus habebatur. Bruxellæ ad Calendas proximas adesse omnes jussi.

Nihil adhuc de conjuratione in apertum eruperat. Primus Gubernatrici indicium Megemus fecit, ita tamen, ut nec totam aperiret tragœdiæ speciem. Imminere periculum republicæ, flagitio trecentorum nobilium, libertatem religionis potentium; quam fœdere inter se per jusjurandum icto, viribusque externis subnixi, mox armati postulatum venirent. Vnde id accepisset, quamvis rogatus, non adjecit. externum sibi nobilem retulisse simulans, cuius nomine abstineret, sacramento pietatis obstrictus. Quippe Megemus, cætera egregius, & in paucis Gubernatrici postea charus, rigorem legum, atque Inquisitionem juxtā oderat. raro hominibus tanta virtutum insita constantia, ut meliora semper suadeant exuti affectibus. supra mortales credens est, qui amicitia, vel odio, animique contumacia aliquando non peccat. optimus tamen ille est, qui minus peccat. Paullò post Egmondanus fœderis exemplar Gubernatrici exhibuit. Nomina conjuratorum, nec omnium prodidit. Secutæ mox sunt ab Auriaco atrociores epistolæ; parari exercitum, duces, & centuriones legionibus assignatos, viginti hominum millia brevi in procinctu fore, colorem quæri discordiis, denique mutationem principis in sermone haberí. Ea se deferre

H 5      quæ

quæ audierit. quamvis gravia, & incredibilia, non omnia tamen ex falso constare. Hæc ab illo facta, & ad simulationem magnarum virium composita dicuntur, ut amoliretur suspicionem conscientiæ, simul & Gubernatrici trepidationem injiceret. Quæ interim attonita, stupentique similis, & jam magis, magisque pavida, reputansque secū quid faceret, quid primum aggredieretur, concilium Procerum quos casus obtulerat, atque eorum quos maximè ducebat idoneos properè contraxit. variantibus sententijs, prope in altercationem res venit. Megemus clamabat; non esse jam tempus certare otiosi opinionibus, & consultando dies perdere. aut delectum, bellumque habendum esse; aut vulgandam religionis libertatem. Sed cum neutrum horum fieri posset inconsulto Rege, & imminentि periculi magnitudo intervallum non postulet: quod reliquum esset, parendum necessitatibus; hoc est, Inquisitionem abrogandam, atque aliquid laxamenti dandum legibus, impunitate contrali sceleris factiosis promissa. Et huic Egmondanus verbo assensus est: fremente Barlaimontio, vanos esse r̄umores, & ad terrorem de industria compositos fieri non posse, ut strepitum tanti exercitus velocitas famæ non præveniat, cur metuerent paucorum colluviem, ex seditionis aliquot pendente capitibus? momento temporis dissipari posse, cōspirantibus in unum Proceribus. Et si se audirent,

extem-

extemplo insignem aliquem ducem obtorto collo  
ariperent. uno, atque altero percusso, quieturos  
cateros. & hoc maximè pertinere ad exemplum.  
Non placere sibi abolitionem concedi, ubi nec rei,  
nec crimina proderentur. hoc non esse scelera tol-  
lere; sed provocare: non componere seditionem;  
sed irritare, & spe impunitatis, illecebram peccan-  
diporrigere. Gubernatrix ad frequentius Con-  
cilium, quod intrà paucos dies habitura erat,  
rem ex integro distulit. variisque interim co-  
gitationibus distracta, potens sui non erat. in-  
cautus ad credendum pavor, constantiam ab-  
stulerat. quidquid in tristiorum partem metus  
suggererat, secretâ aestimatione librabat. col-  
ligeret copias? alieno ære demersum ærarium.  
nervum belli pecuniam esse. sed cui alas, cui  
centurias, cui legiones, cui denique exerci-  
tum crederet, intimis aulæ suspectis? conclu-  
matum fore de religione, silentibus inter ar-  
ma legibus; & sic bello amissuram, propter  
quod bellum gereret.

Erumpens in publicum conjuratio, popu-  
lum exspectatione eventus detentum, variè  
affecit. prudentissimus quisque nec probare:  
nec tamen aliud quam tentationem credere  
mitigandarum legum, quæ publicè exosæ,  
multis quoque familiis funestæ, atque exi-  
tiosæ timebantur. Longè alias vulgo sensus  
erat. sedditiosissimus quisque increpare perva-  
ciam

caciam Regis ducebat egregium. extitisse vi-  
ros, qui assertum irent libertatem; qui jura,  
& leges tuerentur. irent nunc Inquisitores;  
citarent armatos; nunc torquerent; nunc ure-  
rent. victam esse tandem, versamque in fu-  
rorem patientiam læsam. Cæterum acerri-  
ma seditionum materies fuit, quod Erycius  
Brunsvicensium dux traderetur composuisse  
legiones, & easdem à Rege conductas, ex-  
struendarum arcium, & Inquisitionis firman-  
dæ causâ; rectaque iter in Belgium dirigere.  
Nec de legionibus dubitabatur, quas nulla  
probabili causa Brunsvicensis conscriperat,  
& quorsum tenderent nemo sciebat. Nam &  
vicinorum Principum securitatem concusserit,  
infidias atque arma metuentium. Quod in-  
ter cæteros mortales invidia, id in principi-  
bus pro virtute est, suspicio alienæ poten-  
tiæ. Clivia erat, qua Brunsvicensibus in  
Belgium venturis transitus erat. Cæterum  
dux ejusdem regionis prefecturus Augustam  
Vindelicorum ad comitia imperii, omnes eos,  
qui fide clientelæ, aut obsequio ejus teneban-  
tur, arma, & equos parare, atque ad classicum  
intentos considere domi jussérat. Hinc fama  
sine auctore exierat, consensisse eum in con-  
juratorum facinus. Crebris litteris Brunsvi-  
censem Gubernatrix admonuit, ut ab armis  
falso Regis titulo sumptis, decederet. & cum  
proprio nomine impetrare non posset, aucto-  
ritatem

titatem Cæsar is nequicquam imploravit. Nec ideo tamen mitigatus est populus, cui-  
cumq; famæ credulus. Itaq; varijs criminatio-  
nibus incesebat Gubernatricem, ut falla-  
cem & callidam, vanis & inanibus promis-  
sis, hominibus illudere. sparsa quoque Ant-  
verpiæ scedia, seditionis referta carminibus.  
incitamenta discordiæ, in urbe fœcundâ  
rumoribus, quibus plebs totis illis diebus  
perquam dedita erat. sed magistratus impri-  
mis ad lectionem inhorruit. confessim igi-  
tur, & sine morâ in libellorum auctores  
quæstionem exercuit, ingentia præmia de-  
cernens, si quis indicasset. vigilias quoque  
diurnas, nocturnasque intensius habuit.  
stationesque per urbem disponit, nec mor-  
talium cuiquam fidere jussit. Ergo hinc, in-  
de, & undique atroces nuncij deferebantur  
in regiam. Antverpienses ut non apertâ con-  
fessione; ita viritim descendisse in conjura-  
torum facinus, mandatumque multitudini  
ut imparatam occuparet urbem, & si forte  
arma moverentur à Gubernatrice, ne pecu-  
niam, vel quid aliud, ad usum belli expor-  
tari permetterent. Adhæc Gallos, Anglosque  
pepegisse, non defuturos se conjuratis, si Gu-  
bernatrix ad arma spectare cœperit. Et illa  
quidem de Gallis omnino secura non erat.  
Quippe Hugenotti (Gallicis hæreticis hoc  
nomen fecit sectæ genius) magnis copijs  
Caletum

Caletum intraverant. Zeelandicas moliri insulas, & ob hoc ipsum instruere classem ferebantur. sed artem fuisse postea apparuit. Exoneratus Gallias suas Rex, seditiosissimam hominum faciem in Floridas insulas jure colonorum ignaram traduxit. Saluberrimo more, & ferè usitato magnis imperiis; ut repurgato populo domi tranquillitas, apud victos munimenta pararentur. Relatum est præterea, Auriaco, & Hornano intercedere cum Conjuratis privata consilia. Dies appetebat solemni Procerum conventui indictus. Nec Gubernatrix dubitavit, Auriacum, & Hornanum litteris in senatum perlicere. Nam si per omnia spreti forent, causam offensæ crederentur accepisse. & jam de conjuratione placidiora omnia acceperat. Vterque quoque abesse non sustinuit. Itaque VI. Cal. April. præter eos, in curiam quoque ex optimatum numero convenere Egmondanus, Arschanus, Bergensis, Megemus, Arenbergius, Hoochstratanus, Lignius, Montignæus, Barlaimontius, & Hachicourtius. Privatæ curiæ senatores, unà cum Bruxellio pariter adsciti sunt. Multis diebus assidui in eo fuerunt, quid statuerent de Inquisitione & edictis; in hanc, aut illam partem suffragia variantes. Multi pro legibus stabant. Plures medium sententiam eligebant. Alii leges omnino detestabantur. E quibus Auriacus ita differuit. Utinam in

prin-

principio credidisse nobis. suaseramus si morbi sae-  
vitiam ponere velles, uterè potius aliis artibus,  
usque micioribus, quam metu mortis contaminata  
in desperationem adduceres. Omnes ut vides e-  
jusdem animi sumus. religionem Catholicam sal-  
vam volumus. & si integritas ejus sine ope Inqui-  
sitionis retineri non posset; agedum digna hac est;  
cui fortunas impendamus, & spiritum. sed ut modò  
audisti, longè nobis diversa sententia est, tolli er-  
go debet tot malorum seges atque materia, ut nos  
periculo liberet. Inquisitionem tamen rectè distin-  
xit, quisquis paullo ante duo ejus genera consti-  
tuit; Papalem, & Episcopalem. priorem illam  
quia possumus, habere desinamus: alteram enim  
omnino non possumus; nisi ut episcopos exterminate-  
mus sedibus, quorum esse munus nemo ignorat, in  
cuiusque mores, & genium, vitiisque inquirere.  
Et hoc ipsum, quidquid est, Inquisitio est. Ne-  
que tamen illa est, quam nefaria voce perstringit  
populus. Papalis illa, seu Romana, sive Hispanica,  
seu quovis alio nomine dicta, illa tamen sola in fa-  
stidium venit, questusque, & odia hominum prope-  
in tumultum concitat. Quid igitur ea opus est no-  
bis, quam multis gentibus deesse video? Pristinus  
rerum status, plerique Galliae, & Germaniae popu-  
lis nihil ad constantiam obfuit. satis erit mea sen-  
tentia, si pastores curam intendant, si episcopi offi-  
cium impleant suum. Nam & salva Regis pace,  
Papalem adimi posse sat conjicio. Ille enim cum  
ad te scriberet, nihil se ex vetere more mutare  
velle

velle adjecit. Ante Lutheri ortum Inquisitionem Papalem nemo noverat. Imperatoria Majestas primus induxit. at cum otia retur Ecclesia, cum torperent episcopi, cum sorderent sacerdotum mores; breviter, cum tempora exigerent. Nescio tamen; utiliusne Cæsar, an periculosius fecerit, quod leges publicas, hoc est; fundamenta reipublicæ concusserit. Interim alia est hodie imperij facies, alius dignitatum aspectus, alius rerum ordo. Provincias afficite, tot episcopis, quo opulentis fere civitatibus instructas. Ecquid mirum, si ad sæculi nostri genium remedia exigimus? Medi ci non nisi agrè ad tristiora recurrent. omnia prius experiuntur, antequam ad usum veniant. nondum deplorata res est, & consumpta remedia. Periculose status bene constituti leges vertuntur. Imitandi sunt periti medici, qui acerbiora medicamenta suavi temperant mixtura, & stomacho nauseantis accommodant. lenitate, non rigore opus est nobis. videmus fastidium populi. mitigandum hoc est, ne (quod abominor) in seditionem exeat. Quod ad me igitur attinet, magnopere censerem, hoc esse tempus, quo Inquisitionis exercitium differre oporteat, quod sine cuiusquam fraude facere licet. Inquisitores ab hodierno Pontifice diploma non habent, sine quo hactenus illorum nemo jurisdictionem incipit. & ipsi quoque fato Pontificis, mandatum suum extingui existimant. haec de Inquisitione, mea, nec (ut vides) sola sententia est. De edictis vero quid

judi-

judicem, jam antè multa audisti, & plura nunc in contemplationem veniunt. Nihilominus Viglius perveniendum putat ad gladios. aliter sectarios, ait, tolli non posse. Et ut verum fatear, ea sententia olim plurium fuit. sed ego illam condicioni temporum, non prudentiae imputo. Vsu rerum compertum est, exquisitiorem quamque crudelitatem, magis esse sectarum illecebram. Nam qui novæ religioni accedunt, ita plerumque affecti sunt, ut à Deo traductam putent fidem suam, atque unam præsentí morti pervicaciam anteponant. Proximis annis multi professiones illas amplexi sunt, haut alio vitio, quām quod in perituris constantiam mortis attoniti admirarentur. Rectè eos credere debere ducebant, qui ob hoc ipsum quod crederent, corpora sua, (quæ utique non oderant) suppliciis offerrent in pignus, & infanda tormenta læti exciperent. Hoc in Gallia, hoc in Anglia, hoc apud nos denique crudelitas profecit, ut plures de novo reos faceret. Primi quoque Christiani jactare solebant sanguinem martyrum, semen esse Ecclesiæ. Proinde Iulianus Imperator, ut eos sibi invisos funditus erueret, mitius habuit. & sanè plures ille pace, & otio à fide abstraxit, quām priores illi ferro, & sanguine. Non est gladio jus in animum. Iudeorum pervicaciam nullus unquam Regum excusit. Animi viribus debellandus est animus. Quām atrociter heresis Græcorum concusset imperium? ferè tamen Cesares exilio contenti fuere. Nec Constantinus ab Ario, Constantius ab Ætio, Theodosius à Ne-

storio graviora exegit supplicia. & hic tamen tristissimas pœnas legibus sanxerat, ut terroret noxios, quorum interim nemo gladio periit. ubi jam sunt Ariani, quos non unum regnum, non unum imperium, feredicam, non unus capiebat orbis ? secura segnities, & non irritata vetustas universos extinxit. Omnis hæresis hoc in se habet, ut exoriens tollat supercilium : simul vero atque exuta novitas est, sibi relicta, & nullo cogente sponte excidat. Contenti simus pœnis, quibus tanti Imperatores sere flagitia, nunquam tutius quam per exempla progredimur. Nova & inexperta cum periculo incipiuntur. Carolus Cæsar anno M I O L. solicitantibus provinciis de rigore legum quædam detraxit, sicut Rex Philippus proximè meditabatur. benignitatem ejus Episcopi deterruere. an rectis consilii, ipsi viderint. Ego interim leges pro moribus temporum flectendas judico. vincemus scelera, si non viarint. Nam ut omnino esse desinant, vix equidem fieri posse existimo. Nascituras semper hæreses Apostolus prædictit. Demus vero leges illas optimas esse: quid jam tamen proficiunt? In plures contagio serpit, quam citari possint singulorum nomina. quid si, dum intentos jugulo suo viderint enses, ad insaniora necessitate adiganur? Ex parva scintilla magnum sœpe ortum est incendium. Haut aliis initii Galli in seditiones secessere; cum quibus conjuratos intelligo sociare consilia. Placandi ergo aliqua ratione sunt nobis, si pacem retinere volumus. Quod imprese-

tiarum

iarum dedi, tutum est consilium, quæ vobis optima vi-  
debuntur Deus secundet. Nemini mirum videri  
debet, tantam in illo principe eluxisse cogni-  
tionem philosophiæ. Ex Balduini colloquiis  
hauserat. His ille artibus rem publicam com-  
ponere susceperebat. Libratis ergo hinc, inde  
rationibus, media placuit via, hoc est; dero-  
gare aliquid legibus, quas nec salva pace re-  
tinere poterant, nec salva religione abroga-  
re. Dein conjuratis respondendum esse cen-  
sebant, quod Inquisitionem non habenti-  
bus, nullam inferrent: habentibus, interim  
exercitium ejus mollirent, quoad de volunta-  
tate Regis redderentur certiores. modera-  
tionem legum Gubernatrici & Proceribus  
curæ fore: ne clatueros alias, quām quas con-  
sensus Ordinum comprobasset communi  
suffragio. Nec mora Gubernatrix Privatam  
curiam, primo quoquo tempore novi edicti  
formulam componere jussit.

Dum hæc aguntur, rumor curiam pene-  
trat, venisse in urbem conjuratos. Bredero-  
dius cum patris appulerat. cæteri postridie  
successuri ferebantur. Et hoc nuncians aliis  
supervenit. Rogare gubernatrix cœpit, quid  
autores sibi fierent, utrum appropinquanti  
multitudini occluderet portas urbis, an po-  
tius in tutum secedens furentibus se eriperet.  
Egmondani sententia abhorrebat à fuga, vio-

landisque ijs , qui ad tribunal decurserent. Quem intuens Barlaimontius , quin imò inquit, compleamus curiam armatis, & universis trucidatis tam effusam vindicemus licentiam. Auriacus negabat se commissurum, ut instar barbaricæ feritatis damnaret, quos nondum constaret esse reos. multos eorum sanguine, vel affinitate sibi permixtos. si supplices venirent, quare non liceret his, quod promiscuè omnibus licet ? si inermes, nihil esse quod formidarent. Quidam censebant occultè hortandos conjuratos, ut singuli, & sine turbâ venirent in oppidum, vel provinciarum rectoribus libellos porrigerent.

*Conjurati  
in curiam  
prodeunt.* Non intererat Conjuratorum quid decerneretur. cogi ad obsequium non poterant. In urbem recepti, Nonis April. progrediuntur in curiam. bini ac bini longo ordine procedebant. Dicese pompam funebrem ducere. De numero scriptores non consentiunt. trecentos fuisse multi tradidere. plures alii, pauciores nonnulli constituunt. Ego in litteris Gubernatricis ducentos invenio. Egregium agmen splendidorum equitum, nec inania nomina præferentium. Eminabant inter illos Ludovicus Nassovius cum Brederadio, syrma claudentes; altisque spiritibus inflati, & non vulgari specie, omnium oculos in se attraxerant. Ingens turba densis

ruebat

nuebat agminibus in spectaculum, exspectatione suspensa. Pauci ex plebe hoc conspectu movebantur. Ignari adhuc quantum feralis illa vecordia conflaret incendium; cuius calamitas maxima ex parte in se redundaret. Frequens eo die Concilium advocatum erat. admissisque in conspectum conjuratis Brederodius uno genū procumbebat in terram, vultuque elato, post officiosæ dimissionis venerationem hæc verba locutus est: *Domina,* Oratio  
conjurā-  
torum li-  
bellum  
offeren-  
tium. *Nobiles hi, quorum numerum vides, gravissimis de rebus, & ad salutem publicam pertinentibus, ad te libellum adferunt. plures idem facturi erant. sed sua cùquieratio adesse non patitur. Providere tibi placeat, que putabis in commune conducere; atque & qui boniqz hac consulere. Dein porrexit libellum, & ceterum, Domina, inquit, quidam actis nostris obtrectare ausi, egere negotium calumniæ. turbas, seditiones, & quod atrocis est, mutationem status moliri nos differunt; federaque cum alienigenis contrahere. Indigna prorsus animo nostro cogitatio & sacramento adversa. Rogamus ergo delatores renunties; & ad quos tātum pertineat facinus, ut per vestigato scelere debitas pœnas à noxiis exigas. Gubernatrix accepto libello ad Concilium relaturam se dixit. jussitq; in vesperam opperiri responsum. Dein marginibus libelli ex procerum consilio adscripsit; Legatos se missuram ad regem. in ingenio ac benignitate ejus fiduciam ponerent. se quoque interposituram officii sui*

ministerium. De mitigandis edictis jam multo ante  
cum Proceribus egisse: & in promptu esse formulam,  
quam destinaret Regi, pro certo haberent non displici-  
turam eam provinciis. scire utique & ipsos, quam in  
potestate sua non esset, intermittere Inquisitionis, le-  
gumque munia, vel provincias ex ea parte ex leges re-  
linquere. contentos esse debere, quod de postulatis eoru-  
ad Regem scriberet. Daturamque operam, dum respon-  
sum opperunt, ut Inquisitores, & magistratus provi-  
dentius, modestiusque se gerant, nec querela causam  
cuiquam præbeant. Eos quoque se mores ab illis exspe-  
ctare. Considererent itaque, Inquisitionem se non illatu-  
ram his provinciis, quibus hactenus insolita fuerit. &  
hoc esse, quod Brabantis nuper rescripsit. ad quæ im-  
petranda eo proclivius operam, curamque impenderet  
suam, quod ab omni mutatione religionis alienos eos  
intelligeret. Tenebrante vespera conjurati re-  
vertuntur in curiam. recepto libello, rescriptu-  
tum multuantibus magnopere displicuit. Et cer-  
tè exspectatione minora consecuti fuerant.  
Itaque preces repetere statuunt. Et quoniam  
fatalis quædam amictia pervagabatur provin-  
cias, multi cottidiè deficiebant ad illos. & qui  
prius sociaverant consilia, plures jam aderant.  
Culenburgius quoq; simul intervenit, magna  
nobilium juvenum manu stipatus. vii Idu.  
Apr. cādem pompa rutsus iter in curiam di-  
rigunt. Admissi in conspectum, magnas, inquit  
Brederodius, debemus tibi gratias, Domina, quod

u his q  
is respo  
tatem t  
quod d  
legumq  
ognov  
perferv  
ne Iudi  
ficiant  
Rex, n  
ni ope  
Si qua  
per no  
volunt  
imput  
discrit  
referat  
ferim  
berr  
jora  
arat  
qui  
reci  
mo  
tate  
fus  
res  
hi  
est

bis quæ secimus rectè sentias, nec protelationibus ul-  
lis responsum moreris. ceterum si ambiguam volun-  
tatem tuam, non nihil liquidiorem effeceris, nihil est,  
quod debeamus amplius optare. Nam Inquisitionis,  
quamque arbitrium, non esse tua potestatis, longè ante  
cognovimus. Interim tamen, dum desideria nostra  
perferuntur ad Regē, sine cunctatione concedere potes,  
ne Iudices, vel Inquisitores suppliciis quemquam con-  
fiant. Leges quas ex suffragio Ordinum latus est  
Rex, non tantum summa fide custodiemus: sed & om-  
ni ope nitemur, ut eadem sanctitate ab aliis colantur.  
Si quos nostrorum seditionis noxa, contactos existimes,  
per nos licet supplicia expetas. Hac coram testari  
voluius, ne si quid forte acciderit tristius, nobis  
imputes. cum fidem non habueris instantis periculi  
discrimen denuntiantibus. Oramus itaque ut cuncta  
referas ad rem publicam. pro qua & corpora nostra of-  
ferimus, nec recusamus occumbere. Ad ea Gu-  
bernatrix, rescripto contentos esse jussit. ma-  
jora impræsentiarum præstare non posse. Ex-  
aratas esse litteras, quas magistratibus, In-  
quisitoribusque transmitteret. Has deinde  
recitari eis curat. monuitque ut litarent  
modestiae, nec quemquam ultra in socie-  
tatem admitterent. Curia egrediens circum-  
fusos rogabat Proceres, nunquid sibi iratio-  
nes viderentur Conjurati. Quid? inquit Bar-  
himontius, securam ego te efficio. non  
est, quod Geusios illos extimescas. Quæ vox

ab astantibus excepta, causam nominis fecit,  
ut dicimus postea. Multi variant in tempore,  
& ante oblationem libelli vocem illam emis-  
sam affirmant. Nec refert quando, de facto  
non ambigitur. Conjurati autem blandis  
vocibus castigati, coibant ad epulas, quas  
Florentius Pallas Culenburgij comes univer-  
sis instruxerat. Multi se omnis ordinis appli-  
cuere convivio. Adulta jam cœna poculis  
certare incipiunt. strepitue confuso per-  
nabat triclinium, & in diversa trahebatur ala-  
critas. Ex his bacchantium nescio quis, &  
ipse insigniter madidus, Geusios se perama-  
ritudinem cavilli appellatos proclamat arre-  
ptoq; protenus ingenti scypho, Geusis liba-  
vit. exhausto eo ad umbilicum perpetuo spiri-  
tu, eià vivat Rex, vivant Geusii vociferari ce-  
pit. sed & eadem lege circumferri craterem, &  
singulos haustus pari clamore prosequi jussi.  
Omnes incaluerant mero. tam ministri, quam  
convivæ in furorem solvebantur. non clau-  
moribus, non poculis temperabant. Ita res in  
serium versa est. Et inde nominis originem  
secta invenit, quæ initio sui modica: nunc  
Regis sui vires, & imperium quassare not-  
timuit. Scurras, & mendicos Belgæ Geuten  
appellant. ductam à Gothis vocem plerique  
conjiciunt; quorum barbaries latrocinanti-  
bus similis, nomen gentis posteris ignomi-  
niosum.

diosum fecit. Nos hæc curiosis ingenii scruta-  
nanda relinquimus. Igitur in hunc modum  
bacchantibus, Hoochstratanus supervenit à  
Gubernatrice. Explorare jussus erat, an in-  
fide se mansuros polliceri vellent. Sed à lym-  
phantibus intrò abripitur. credebat ludi-  
crum agi. verticibus capitis alternati ob-  
versos imponebant galeros, manticam cir-  
cumstantes quam Brederodius è lacunari su-  
spenderat. perque vicem in sedem tolle-  
bantur. ubi inter solemnum aliorum voci-  
ferationem exsiccati scypho, perpanem, fa-  
lamque, & manticam, in constantiam fœ-  
deris sacramentum præstabant. Postero die  
ebrietate excusſā nihil saniores, abradi men-  
tum jubent. subcineritos cultus sibi indu-  
unt, ligneasque scutellas de circulo galeri  
suspendunt. prorsus, ne quid different à  
mendicis, quorum nomen assumserant, habi-  
tumque, & mores imitabantur. Aureum  
numisma de collo demittunt. duraturi fœ-  
deris tessera erat. sine qua suorum quem-  
quam prodire in publicum nefas sanxerant.  
In uno latere Philippi Regis imago emine-  
bat, vibrantibus oculis animata, crispisque la-  
bris, & in tumorem surgentibus, ut Austria-  
cum agnosceres. Extremitates vero percur-  
rebat hæc inscriptio FIDELES REGI. Al-  
teram faciem duæ asperabant manus, impli-

I 5

catis

catis inter se pectinatim digitis porrectæ, tanquam in fœdus concurrerent, exprimentes fidei signum. De pollicibus pera dimittebatur, pendentibus funiculis constricta. in ambitu ejus eminentibus litteris cælatum erat,  
**VsQVE AD MANTICAM.** Inde duos ex suorum numero, in eum modum excultos, ad Gubernatricem adornant. Necessitatem fœderis excusatum ibant, in quod publico se compendio adactos, nihil adversus numen, Regemque decretum dicerent, proinde ut aperta professione placere sibi testarentur, instanter petebant. Ad tam perplexæ interrogationis insidias; Ego, respondit Gubernatrix, hujus utique causæ iudex non sum. tempora nos erudiant, utrum recte, an perperam feceritis. Satis ostendens, promptam tantæ turbæ lasciviam admodum sibi gravem esse. Et hoc ipsum quoque Conjurati senserant. Duodecim igitur præfatos constituant. Eos vulgus per cavillum, ex numeri similitudine, Apostolos vocabat. Cæteris domum remissis, soli illi ad solicitandam promissorum fidem Bruxellis relinquuntur.

Inter quæ privata curia novi edictitabulam Gubernatrici repræsentavit. illa vero excutiendam tradidit Procerum Concilio. Auriacus cum suis, ita legibus illis assensus est, si

est, si extemplo ferrentur. Privata curia in contrarium incubuit, & Gubernatricem traxit in sententiam suam, auctoritate Regis opus esse dictitantem. Hinc inter eos orta contentio est. Et Auriacus ingentē iram concipiens animo ; intelligo, inquit, suspecta esse concilia mea. Neque Regi opus est amicis, quorum damnat fidem : neque mihi gloriosum pro fastidente principe certare obsequio. Ego me deinceps reipublicæ subtraham. Nec diversa ab his Hornanus dixit. Egmondanus vero, ex medicorum præscrip-  
to Bajas se Aquisgranenses petere jussum ob-  
tendens, paucorum mensium rogabat inducias. Hanc rem Gubernatrix graviter tulit.  
inter tot pericula , querebatur se destitui. Pre-  
cibus deinde Auriacum aggressa, & si nec meo,  
inquit, nec reipublicæ nomine movearis ; sal-  
tem ne suspicionem conscientiæ vulgo facias.  
Ludovicus Naslovius ac Brederodius foverūt  
apud te jura hospitij. & hoc palam , atque in  
ore est omni populo. Quid igitur existimabit  
cum te quoque hinc proreptum, & contumaciis  
abstinere curia viderit? nonne ut princeps  
conjunctionis habearis, aut particeps? Ad ultimi-  
num abire perseverantes verbis terret , culpæ  
eos substituens, si quid detrimenti infundere-  
tur reipublicæ. deinde iterum ad preces con-  
versa ut manerent expressit. Post hæc Bergen-  
sem,

sem, & Montignæum in Hispaniam decernit. Acceptum utrumque conjuratis noverat, Inquisitioni, legibusque juxta infensum. sed ne vacua rectoribus gubernacula relinquerent. In locum Bergensis, Philippum à Sancto-alde-gonda Noircarmij dominum Hannoniæ Valencenisque ad tempus suffecit. Eadem lege Ioanni Casteleto Mailbasij domino Tornacum attribuit. Novi quoque edicti exempla distribuit rectoribus provinciarum, tradenda Ordinibus. Ejus forma talis erat. *Religionem, quam catholicam ne doceto. functionem Ministerij nemo exerceto. noxios libros ne conscribito. domum conventiculis ne aperito. turbas ne concitato. catholicos ne offendito. Qui horum quid faxit, & pœnitens fuerit, gladio plectitor; si contumax, laqueo extinguitor. bona damnatorum eattenus publicantor, quatenus per leges municipales licet.*

*Qui hæresim contraxerit, & horum nihil fecerit, si coram episcopo renuntiaverit, fraudi ei non esto. si non renuntiaverit, relegator. bonis interim fruitor, alienandi, aut testandi facultatem ne habeto. catholici intestatis succedunto. Si proscriptus publicam vel religionis tranquillitatem turbarit, bona amittito.*

*Anabaptiste pœnitentes, & alterius noxae non comperti, arbitrio judicis, citra mortem puniuntor. contumaces exilio bonisque amissis coerecentor.*

*Relapsi*



Relapsi qui non maledixerint, publicatis bonis provincijs cedunto. qui maledixerint, ultimo afficiuntur suppicio. Anabaptista relapsi sine discrimine damnantur ad laqueos.

Qui dolo malo seditiosos, aut contaminatos libellos sepius excuderit, pœna Ministrorum tenetor. si rarius, exilio plectitor, & arbitrio judicis. Qui duntaxat lucra causa fecerit, extra ordinem coercetor.

Disputationem seductionis causa frequentius instituere capitale esto. Rarius, animique gratia, arbitraria paena.

Qui vetitos legerit libros; qui legendos alteri exhibuerit; qui vetitas imagines pinxerit; statuas finxerit; aut horum aliquid habuerit: qui interfuerit sectariorum conventiculis, pro conditione criminis, & personæ plectitor, judicis arbitrio.

Qui illicita conventicula prodiderit, si particeps fuerit, impunitatem habeto: si non fuerit, dimidium honorum, quoties non excesserint sexcentos florenos, auferto: quoties excesserint, quartam partem percipito.

Peregrini in urbes vicosque, sine pastoris, aut Magistratus testimonio ne admittuntur. hec lex tamen peregrinos mercatores non teneat, si modeste se, ac sine cuiusquam offensa gesserint.

Regi judices, inferioresve magistratus, & vasalli iure reos animadvertunto. sin secus; honoribus, muniberibus, feudo privantur.

Magistratibus, & territoriorum patronis, revocandi domum jus non esto.

Si cui

*Si cui noxa indulta fuerit; ad honores, & magistratus inhabilis esto.*

*Qui suspecti pronuntiati erunt, restitutionemque impetraverint, ad munera & honores admittuntur.*

*Quamvis extra territorium relegate non licet, quisquis tamen ob hæresim proscriptus fuerit, universis provincijs cedito.*

In typographos, bibliopolas & ludimagi-  
stros haut diversa à superioribus legibus sta-  
tuebantur. Vnus mensis deliberandi cau-  
datus est magistratibus. post illum sen-  
tentiam remittere jubebantur. Prolixius  
que spatium Gubernatrix indulserat;  
quod interim aut scripturum putabat Re-  
gem, an ratas haberet leges, aut quoquo  
modo factiosorum vecordiam repressu-  
rum.

Hinc de ipsa conjuratione in circulis, &  
cœtibus plurimus sermo. tristis, aut laetus,  
prout cuique fides, aut ingenium erat. Fue-  
re qui ad portentum, omenque referrent,  
quod Conjuratos in curiam prodeentes clau-  
dus duxerit. Alij initia, causasque Galici  
motus expendentes, præsentibus rebus con-  
ferebant. Edicta, & quæstiones sub Ca-  
rolo Imperatore, ac Philippo ejus filio,  
juxta ac sub Francisco, atque Henrico Gal-  
liæ regibus exitiosas multis, in quorum cor-  
pus,

pus, bonaque, ignis & hasta fævierat. Neutquam tamen fregisse flagitium, quod intra paucorum conscientiam nihilominus cohibuere. Nec ut impares radicem excindere: sed muruis cladibus intenti, subtraxerant curam legibus, inter arma invalidis; quibus etiam temporibus, utpote turbulentis, fœda omnia adfluxerant. Nulla tamen adhuc formido ex sectarijs. Donec inde excessu Henrici; hinc Philippo in Hispaniam abiecto, inter Optimates utrobique superveniret ambitione, vetus aulæ malum. Ambitionem Procerum invidia exceperit, & factiorum atrocitas. Flagrantibus in Gallia odijs adversus Cardinalem Lotharingum, in Belgio adversus Cardinalem Granvillanum, quorum alter sub Catharina, & Francisco filio, alter sub Margareta Gubernatrice rerum potiebantur, atque omnia poterant. Postquam Cardinalibus utrobique adempta est potestas, manere tamen odia partium. multaque sectarijs indulta fuere, fœdâ edictorum inconstantiâ. dum per alterius Regis continuam pueritiam; alterius contumacem absentiam, sana consilia excindendæ contagionis, tanquam à Cardinalibus profecta, factiosorum invidia eluduntur; hoc ipsum indignantium aliquos esse qui vellent corrigere. Ad ultimum auctomorbo, Admirallium, & Brederodium,

hunc

hunc Gubernatricis , illum Regis sui genibus advolutum , & utrumque favore Procerum , studiisque nobilitatis subnixum , postulasse libertatem religionis . Nec in Gallia prius quievisse tumultuantum ingenia , turbulentissimo sectæ genio accensa , quam signa attollerentur in Regem , & in uno regno alium , atque alium populum facerent . Nihil ergo mitius exspectandum in Belgis , agitatis eodem illo pestilentissimo sydere . Leni ad omnia Gubernatrice , & incautâ ad imbuedum consilia , quæ velut non ex arte fallax quorundam familiaritas insinuat . Cum econtra Catharina , gravis regno mater , Italicis artibus cuncta corrumperet .



NICO-